

# CONCIO

EGREGIA ET CA-

THOLICA, CVR TAM MVLT

hodiè ad *Luteranismum* deficiant: vtq;

hisce calamitosis temporibus, aduersus

*satanae* tentationes, quibus is fi-

dem oppugnat, resisten-

dum sit:

HABITA ATQVE EDITA


*Germanicè Anno 62. ab Martino Eifengrein*

*Stutgardien. Ingolstadij ad D. Mauri-*

*cium Parocho: Latine autem con-*

*uersa opera F. Laurentij Suriij*


*Carthusiani.*



COLONIAE

apud Maternum Cholinum,

Anno M. D. LXIII.



CLARISSIMO I. DOCTORI  
ri D. Godefrido Groppero, Illustrissimi  
Principis Iuliacen. Cluven. &c. Consiliario,  
Domino ac Patrono suo colen-  
dissimo, S. P. D.



*Abet hinc Tua Dignitas, spectatissime  
D. Doctor, amice & patrone haud vul-  
garis, hominis docti & Catholici opu-  
sculum, non ita grande quidem, sed quod  
meo iudicio, breuitatem suam multiplici vtilitate  
facile compenset. In quo Author ipse, qui illud  
Germanice conscripsit, magna industria, parique  
dexteritate ob oculos ponit Lectori insidiosissimos  
istorum nouorum dogmatistarum & concionato-  
rum conatus, quibus illi noctes atque dies nitun-  
tur homines ab vnitatem corporis Christi in mon-  
strosas & lubricas, mira quae inter se varietate pu-  
gnantes sectas suas pertrahere: id quae sub splendido  
verbi Dei & Euangelij praetextu: quae istis in su-  
premis quidem labris semper natant, sed a tota vi-  
uendi ipsorum ratione longissime absunt. Neque  
enim hoc eis studio est, ut sint Euangelici, sed ut  
hoc titulo sese venditent imperitis, eosque incautos  
nihilque sibi a viris Euangelicis metuentes, in frau-  
dem citius impellant. Quas vero hic illi non adhi-  
bent artes, machinas, dolos, ut miseris persuadeant*

## EPISTOLA

*hactenus in tenebras retrusum, iam ab ipsis in lucem reuocari sacrosanctum Euangelion? Et ut eius rei fidem passim omnibus faciant, quot illi scripturae loca proferunt? quam nihil nisi scripta diuina crepant? Scriptum est enim, inquit: perinde ut satanas ad Scruatorem nostrum. Sed qua fide & sinceritate satan aduersus Dominum scripturas citauit, eadem etiam contra Ecclesiam Catholicam citant eas illius administri. Quasi vero ullum unquam possit extare tam impium & execrabile dogma, cui adstruendo versuta hominum ingenia non possint quaedam scripturae diuinae loca, vi adhibita, manuque iniecta, accommodare? Indè adeò ausus est Lutherus istorum omnium parens, Sacra Biblia appellare librum haereticorum: videlicet quòd haeretici sacris literis se vel maximè tueri, & in animos hominum blandius insinuare soleant. Neque enim nesciunt non facile se habituros, qui ipsis noua adferentibus subscribant, nisi mendacijs suis diuinae veritatis prætexant auctoritatē. Ità ergò scelesti illi scripturas scripturis oppugnant, non quòd inter se scripturae pugnet, sed quòd cogant illi scripturas ipsorum deterrimis erroribus præbere patrociniū, in alienum planeq; repugnantem detortæ sensum. Iactitent igitur  
 quan-*



quantum volent Euangelium, verbum Dei, puram doctrinam: nunquam tamen rectè sapientibus persuadere poterunt se aliud esse, quàm impuros & flagitiosos hæreticos: tanto quidem magis fugiendos & detestandos, quanto detestabilius est mendaciū, quod veri ementita specie, dum non sentitur, atrocius & exitialius sauciat nihil minùs suspicantes. O credulum nimis mortalium genus, ad cætera quidem pleraque omnia huius vitæ vel captanda commoda, vel incommoda declinanda non prorsus stupidum: in ijs solis quæ ad animam pertinent, & in omnem sese porrigunt æternitatem, cæcum planè ac stolidum. Existunt hæretici, spargunt nova dogmata, immò horrendas vomunt blasphemias ferro & flammis vindicandas: & eccè tibi ubiquè turbam credulam, incunctanter, intrepidè, immò & procaciter atque confidenter eas amplectentem, perindè quasi religio Christiana non nisi ludus quidam sit, in quo liceat subindè aliam sumere personam, & in diuersas mutari formas. An non verò hîc summa oportebat vti deliberatione, probare spiritus vtrum ex Deo sint, consulere rectius sapientes, nihil temerè credere, suspecta habere noua omnia: non instar paruulorū fluctuare, & circumferri omni vento doctrinæ, in nequitia hominum,

## EPISTOLA

in astutia ad circumuentionem erroris? Proh pudor, tam nihil esse rationis in hominibus, qui ratione vel maximè à brutis animantibus separantur. Interim tamen benè habet, quòd non omnes hac ducuntur animi leuitate ac temeritate. Cognouit enim Dominus, qui sunt eius: & hos non euerteret nec ipsius Luciferi exercitatisima supplantandi & fallendi versutia. Ad hos verò etià illi pertinet, qui hæreticorum fraudulenta simulatione pellecti quidem in errores, non tamen illis penitus sese dedunt, sed ubi fraudem persentiunt, resiliunt, & ad castra Ecclesiæ Catholicæ sese ex animo recipiunt. Fatendum est enim, plerunquè ea arte & calliditate uti hæreticos, præsertim maioribus ingenij & doctrinæ copijs instructos, ut difficilimum sit illorum fraudibus neutiquàm implicari. Neque enim frustra S. Apostoli tantoperè monuerunt hæreticos deuittandos. Serpit enim, dum latet, perfidia. Sed nunquàm diuina gratia deserit suos. Labuntur in errorem plerunquè etiam electi, sed non patitur Spiritus Christi eos permanere in errore. Itaque etiam tales, postquam ad sanitatem redière, non rarò plurimùm conferunt tum illis, qui humana infirmitate prolapsi sunt: tum illis, quos diuina clementia seruauit nè laberentur. Exempli causâ  
pro-

proferam, cæteris omiſſis, huius libelli authorem, mihi quidem nec de facie notum, ſed quem ſcriptum iſthuc teſtetur virum pium & eruditum. Fuit iſ aliquandiu errorum nexibus implicatus. At, quæ Dei eſt benignitas, redijt ad ſeſe florenti adhuc ætate, erroribus nuncium remiſit, factus eſt ex animo Catholicus, & ſuo exemplo admonet alios, ut qui ſtant, videant nè cadant: qui lapſi ſunt, non ſe ipſos deſperent, ſed in viam redeant, & ab illa horrenda morte reſurgant. Edidit idem ipſe Concionem hanc, quam ego haud ſcio num quiſquam ſatis commendare queat: nec dubito quin breui plura editurus ſit, quibus pro ſua virili conſulat tum ſanis, tum ſautijs. Nolim ego hîc viri optimi encomia ſten agere, nè non tam veritati quàm adulatio- ni ſtudiſſe videar. Mihi quidem hoc non paruum attulit voluptatem, quòd eum percepi ab hæreticis ad Catholicos reuertifſe: adeo quæ libens hanc eius egregiam ſanè Concionem Latinè vertendâ ſuſcepi, ut poſſit quamplurimis prodeſſe, & hæretici tanto magis pudeſcant, quòd vident ſuos dolos & malas artes adeo iam detegi & in lucem proferri, ut ab illis deſciant non parum multi, etiam haud mediocriter eruditi. Eam verò meam qualemcunque opellam T. D. Celeberrime D. Doctor, nuncupa-  
tam

EPISTOLA NVNCVPATORIA.

*nam volui, planè mihi persuadens, non omninò ingrati-  
tam eam illi fore. Notus est omnibus candor  
tuus & morum comitas, aliæque permultæ egre-  
giæ animi dotes, quas ego possem fusiùs, psequi, nisi  
a mea consuetudine eiusmodi laudandi studium at-  
horreret. Hoc vnum oro, vt T. D. meam hanc exi-  
guam licèt operam, non tamen ab exigua gratifi-  
candi voluntate profectam, æqui boniq; consulat,  
meque sibi, ità vt solet, habeat commendatum.*

*Ex cellula mea Carthusiana, 4. Martij,*

*Anno LXIII.*

*T. D. addiçtissimus  
clientulus,*

*F. Laurentius Surius  
Carthusianus*

# EVANGELIVM

## PRIMA QVADRA-

GESIMAE DOMINICA,

INVOCAVIT,

Matthæi 4.



Nillo tempore:  
Ductus est Iesus  
in desertum à  
Spiritu, vt ten-  
taretur à diabo-  
lo. Et cùm ieiua-  
nâset quadra-  
ginta diebus &

quadraginta noctibus, postea esuriit. Et  
accedens tentator, dixit ei: Si Filius  
Dei es, dic vt lapides isti panes fiant.  
Qui respondens, dixit: Scriptum est, Nō  
in solo pane viuit homo, sed in omni ver-  
bo quod procedit de ore Dei. Tunc as-  
sumpsit eum diabolus in sanctam Cuius-  
tatem, & statuit eum super pinnaculum  
a templi

Deu 8.

templi, & dicit ei: Si filius Dei es, mitte te deorsum Scriptum est enim: Quia angelis suis mandauit de te, & in manibus tollent te, nè fortè offendas ad lapidem pedem tuum. Ait illi Iesus rursùm: Scriptum est, Non tentabis Dominum Deum tuum. Iterùm assumpsit eum diabolus in montem excelsum valdè, & ostendit ei omnia regna mundi, & gloriam eorum, & dicit ei: Hæc omnia tibi dabo, si cadens adoraueris me. Tunc dicit ei Iesus: Vade satana: scriptum est enim, Dominum Deum tuum adorabis, & illi soli seruies. Tunc reliquit eum diabolus: & ecce angeli accesserunt, & ministrabant ei.

Expla

# EXPLANATIO EIVS- 3

DEM EVANGELII, EX QVA  
discere liceat, quamobrem hac tempe-  
state tam multi à Papatu ad Lute-  
rismum deficiant: & vt maligni  
dæmonis tentationibus sit  
obluendum.

**E**vangeliū huius diei, quod  
iam de verbo ad verbum  
vobis meo ore recitatum est  
dilectissimi, certamen quoddam  
& pugnam depingit, qua inter se  
confluxere in deserto duo strenu-  
issimi atq; audacissimi dynastæ: pu-  
tā filius Dei, & princeps mundi  
huius. Atq; tametsi princeps huius  
mundi teterrimus satan Domi-  
num ac Seruatorem nostrum prior  
aggressus est, idq; tribus modis, at  
tamen in qualibet tentatione eum  
in modum à Domino superatus

& profligatus est, vt cum dedecore & ignominia pedē referre coactus sit. Quanuis autem illum egregiè sanè Dominus cōfecerit, & caput illius contriuerit, nihilo minùs semper instaurat pugnam, contritumque verticem rursùs subrigere conatur: cumq; de Christo Domino nullam sibi posthàc victoriam polliceri ausus sit, nos miseros incessit & appetit, qui Christi membra sumus, ijsdemq; quibus olim Dominum Seruatorem caput nostrum, tentationibus pulsat.

Christum quidem principiò de gula tentauit, cùm diceret: Si filius Dei es, dic vt lapides isti panes fiant. Deindè de superbia & vana gloria, dicens: Si filius dei es, mitte te deorsùm. Postremò impugnaui cum auaritia, dum ait: Hæc omnia



omnia tibi dabo, si cadens adora-  
ueris me.

Ijsdem planè rebus hodiequē  
nos miseros oppugnat, dum in  
terris degimus. Vt enim apud D.  
Iohannem legere est, Omne quod  
est in mundo, concupiscentia car-  
nis est, & concupiscentia oculorū,  
& superbia vitæ. Idem quoquē pu-  
gnæ genus, callidus serpens in pa-  
radiso cum primis parentibus no-  
stris Adamo & Eua suscepit, sed  
illos hisce tribus vitijs appetitos  
euerit, & in suam ditionem rede-  
git: Gula quidem, cū hortaretur,  
vt vetitæ arboris fructu vesceren-  
tur: Superbia verò, cū dixit, Eri-  
tis sicut Dij. Ad extremum Auari-  
tia, vbi ait, Scientes bonum & ma-  
lum. Nanq; teste Augustino, Aua-  
ritia, quæ *φιλαργυρία* dicitur, non in so-

1. Iohann. 2.

Gen. 3.

Lib. 3. de li-  
bero arbi-  
trio, cap. 17.

lo argento, vel in nummis, vnde magis nomē duxisse resonat, (argento enim nummi, vel mixto argento frequētiùs apud veteres fiebant) sed in omnibus rebus, quæ immoderatè cupiuntur, intelligēda est, vbi cūquē omninò plus vult quisq; quàm sat est.

Quandoquidem ergò tartareus dæmon iisdem rebus nos tentat, quibus Christum Dominum impugnauit, & primos pārentes nostros Adamum & Euam vicit, summa quidem & ineuitabilis id deposcit necessitas, tametsi Christus, vt hodiernum docet Euangelium, vires eius admodum elisit ac debilitauit, vt nos nihilo minùs pro se quisque, conuenientè Christi exemplo remis velisq; eam in curam summoperè incumbamus, quo illi  
resista-

resistamus, nisi illius laqueis, quos ille nusquam non tetēdit, irretiri, atque in eius potestatem venire velimus.

Quod idem docet nos Seruator in hodierno certamine & pugna suo ipsius exemplo. Vt enim interdum athletæ vel palæstrici, quô artis suæ discipulos non verbis tantum instituunt, quemadmodum cum Antagonista suo rem gere-re, iactus declinare & auertere debeant, data opera in palæstris cum alijs certamen exercent, discipulis inspectantibus, vt tum oratione, tum exemplis pariter instruuntur ac erudiatur, quodq; auribus consequi nequeunt, oculis apprehendant: ita & Christus in hodierno sese comparauit Euangelio. E s u m m a i l e c a l o r u m a r c e i n t e r r a s e a

Vide Chry-  
sost. Ho-  
mil. 13. in 4.  
cap. Matth.

Matth. 12.  
Luc. 11.

1. Iohan. 3.

causa demigrârat, vt fortem armatum, mundi huius principem debellaret & alligaret, quin & profligaret ac eijceret, & vt D. Iohannes ait, opera diaboli dissolueret, primò quidem per seipsum, deindè etiàm per nos. Itaque ad eiusmodi conflictum non verbis duntaxat, sed suo etiàm ipsius exemplo nos erudiuit. Atque eam ob rem ordinè nos, sicut textus Euāgelij commemorat, inspicere & expendere iam volumus, quî tandem & quibus de rebus malignus satan Christum Dominum tentârit, & vt à Domino victus sit: quò nos etiàm eundem in modum in his atque id genus alijs maligno illi hosti dum nos impugnat, obluſtari, ex eo que palmam referre queamus.

Porro cùm hoc temporũ statu  
vix

vix vlla alia de re teterrimus dæmō  
acrius nos tentet & incessat, quàm  
de sacrosancta fide & religione  
Christiana, à qua ille nos per apo-  
stolos & legatos suos, quos multos  
& multigenes in omnes penè  
Christiani orbis regiones dimisit,  
perquā auertere cupit: nos in præ-  
sens alijs argumētis omnibus post-  
positis, ex hodierno Euangelio id  
solum considerandum suscipie-  
mus, vt fatā nequissimus nos quo-  
tidie adhuc per suos ministros,  
perindè vt Dominum hodie in  
Euangelio per seipsum, pertentet  
& impugnet, nec vllum prætermi-  
tat studiū ac operam, quō nos vel  
tandem eò adducat, vt Catholica  
Christi Ecclesia deserta, in illius se-  
ctas & factiones concedamus: tum  
etiā, quo pacto eiuscemodi fata-

ne tentationibus exemplo Christi  
& possimus & debeamus relu-  
ctari.

I. Tentatio  
& pugna  
Satanæ cō-  
tra Chri-  
stum.

Primam tentationem, qua dia-  
bolus Christum appetijt, Textus  
Euāgelij hodierni his verbis com-  
plectitur:

*Et cū ieiunasset quadraginta diebus  
& quadraginta noctibus, postea esuriit.  
Et accedens tentator, dixit ei: Si filius  
Dei es, dic ut lapides isti panes fiant.*

Persuasum habuit bestia versi-  
pellis, cū tam diuturno Domi-  
nus ieiunio continentèr sese ma-  
cerasset, atque propterea fame vr-  
geretur, tanto facilius ab illo se vi-  
ctoriam reportaturum. Nam qui  
tot dies omni se cibo abstinuit, illi  
sanè non iniucunda fuerit cibi po-  
tusque mentio, facileque edendi  
appetentia in eo excitari queat.

Sed

Sed sua illum fefellit ars, quantumvis vel plùs mille artifex sit. Christus enim ceu magnanimus quidã & bellicosissimus athleta opposuit se illi, arreptisque contra illum armis, vicit eum fortissimè, dum nec in minimo illi cedit: immò verò vna ex sacris Biblijs prolata sententia adeò illius os opprimit, vt nec progredi, nec retrocedere iam possit.

*Scriptũ est, inquit: Non in solo pane* Math. 4  
*viuit homo, sed in omni verbo, quod pro-*  
*cedit de ore Dei.*

Vt ergò Dominũ Iesum teter ille cacodæmon aggressus est & oppugnauit, ità in hodiernũ vsq; nos eius satellites & administri aggrediuntur: atque vt Christus diabolo restitit, sic etiã nos eius administris resistam⁹ oportet, modò  
nè per

nè per illos in hæreses & errores abduci velimus. Hac enim ex parte non multo minùs versuti & veteratorij illi sunt, quàm eorum præceptor & magister diabolus: qui dominum de gula tentaturus, tantisper distulit, donec pro comperto haberet illum esurire. Itidè illius satellites, dum nobis persuadere cupiunt, vt à Catholica fide desiscamus, non subito ac imprèmeditatò rem aggrediuntur, sed suam accuratè aucupantur & sustinent opportunitatem, atq; eiusmodi rebus & argumentis nos appetunt & adoriuntur, quæ haud ignorant etiàm per se sua sponte nobis iucunda & plausibilia fore. Famelico haud difficultè persuaseris, vt illi edere libeat. Non id latebat diabolus, itaque gulæ illecebras Christo appo-



apponere instituit, fame laboranti.  
 Itidemq; non ignorant eius admi-  
 nistri impostores concionatores,  
 sensum & cogitationem humani  
 cordis in malum prona esse ab ado- <sup>Gen. 3.</sup>  
 lescencia sua, quod scripta diuina  
 asserunt: atque eam ob rem bellè  
 admodum naturæ conditioni hu-  
 manæ sese accommodant, aures  
 prurientes blandè ac mollitè scal-  
 punt, atque ijs duntaxat rebus ho- <sup>2. Tim. 4.</sup>  
 mines tentât, in quos alioquî suo-  
 pte ingenio ppenfi & auidi sunt.

Cui, oro, quanvis perditio & im- <sup>Luter. de</sup>  
 probo, non adlubescat dogma il- <sup>Christiana</sup>  
 lud, Solam fidem iustificare, opera <sup>libertate.</sup>  
 nedum nullam adferre vtilitatem, <sup>Ecclesiâ</sup>  
 sed etiâ perniciofa esse ad salutē, <sup>Saxonicarū</sup>  
 quod Nicolaus Amsdorffius in <sup>ministri</sup>  
 peculiari quodam libello asserit? <sup>contra</sup>  
 Quis tam sit iners, piger ac desidiosus <sup>Georg. Ma-</sup>  
 sus <sup>ierum.</sup>

Luter. in  
Articulis  
Præsent.  
Theologis  
damnatus.

2. sus, qui non lubens audiat Chri-  
stianum hominem nulla lege te-  
neri, esse omni lege solutum & li-  
berum: non obligari eum ad ser-  
uandam legem, siquidem impossi-  
bile esse ut eam seruet, quemad-  
modum noui Euangelici prophe-  
tæ docere & scribere non dubita-  
runt?

Quis dissolutus, perditus, & ab  
omni pœnitentia remotus, non  
totis animi visceribus optet verum  
esse, quod hactenus ex nouo Euā-  
gelio depromptum, assertum &  
scripto palam comprehensum est,  
Errorem pernicipalem esse, si quis  
ad cœnam Domini fidentiori &  
tranquilliori animo accedat, quod  
confessus sit errata sua, quod nul-  
lius sibi culpæ grauioris conscius  
sit, quod per preces & alia pietatis  
exerci-

Luter. Ser-  
mone de  
præpaso-  
tione ad  
Euchari-  
stiam.  
Et in Aster.  
3. Articul.  
Item Phil.  
in 11. cap.  
ad Roma.

exercitia sese præparârit: Nam qui sic affecti sint, eos sibi iudicium manducare & bibere: porrò quo quis sit magis sceleribus & flagitijs coopertus, eo illum præparatiore magisque idoneum & dignum accedere?

Cui improbo & scelerato nebuloni nō sit iucūda & plausibilis concio, Confessionem sacramentalem, quam auricularem vocant, esse rem superuacancam: nihil necesse esse sacerdoti peccata omnia, quorum quis meminerit, speciatim edicere & explicare: id quod noui Euangelici præcones publicitūs editis libris affirmârunt, nec adhuc docere desinunt?

Luter. in  
Resolut. &  
De decem  
leprosis  
Melan-  
chthon in  
locis Com-  
mun. de  
Confessio-  
ne.

Quis populi seductor & seditio-  
sus, qui accitus legitimè non sit,  
sed ipse sese ingesserit, eam do-  
ctrinam

Luter in  
lib. de Ab-  
roganda  
Missâ ad Se-  
natum Pra-  
gens. De  
captiv. Ba-  
bylo.

Œtrinam non æquis ferat auribus,  
in nouo Testamento nullum esse  
verum, visibile, externum sacerdo-  
tium, sed Christianos omnes esse  
sacerdotes, posse ligare, soluere, &  
clauium ministerio uti, sicut apud  
sectarios in praxim deductum est,  
palamq; docetur?

Luter I re-  
solut. Ar-  
tic. 36 in  
Assertion.  
Philip. in  
Annota. ad  
Roma.

Cui furi, latroni, prædoni, incē-  
diario, dum carnificis tenetur offi-  
cina & custodia, non sit in votis,  
dogma illud Euangelij loco recipi  
toto orbe terrarum, quod isti præ-  
clari Euangelistæ adferunt, omnia  
tam mala quàm bona, ineuitabili  
& absoluta necessitate fieri? itemq;  
Deum causam esse scelerum (proh  
nefas) non solum permissiue, sed  
etiàm effectiue, ità vt proditio Iu-  
dæ nō minùs fuerit opus Dei, atque  
Pauli conuersio?

Ecquis

Ecquis verò tandèm commemo-  
randis om̃ibus fatìs esse queat, qui-  
bus nos teterrimus cacodæmon  
per suos administros & Apostolos  
appetijt & tentavit? Interim tamē,  
vt Dominum Iesum non priùs de  
gula tentare instituit, quàm is diù  
fatìs ieiunio affectus esuriret: sic  
etiàm erga nos suam operitur com-  
moditatem & occasionem rei pro-  
sperè gerendæ: cumq; omnes eius  
conatus eò ferè spectent, vt à cha-  
rissima parente nostra, Christi Ca-  
tholica ecclesia, nos separet & auel-  
lat: ijs tantummodò rebus nos ap-  
petit & pertentat, ad quas alioquì  
procliues & promptuli sumus, vt  
tanto minori negotio nos propel-  
lat in ruinam.

Neque tamen hoc contentus  
fuit serpens ille versipellis, vt expe-  
b      ctaret

Etaret donec Christū cerneret fame laborantem, actum demum illum tentaret, ijsq; rebus incesferet, quas ille, vtpotè qui cū deus esset verus, etiā veram assumpserat humanitatem, naturæ quadam suspensione lubentè ac cupidè amplecti potuisset: sed alia insuper usus est maiori versutia & calliditate erga Dominum in huius diei Evangelio, eodemque hodieque per suos satellites vtitur erga nos.

*Genf. 3.*

Non ille quidem hortatus est Dominum Iesum, vt sibi ex lapidibus præclarum & insigne aliquod edulium cōficeret, sed panem tantum. Vt enim de illo diuinis est literis annotatum, erat serpens callidior cunctis alijs animantibus. Ergo etiā hîc incipit à minimo, idq; non eo duntaxat nomine, vt  
nè

nè agnoscat, sed etià quòd eam iam spem conceperat, si quidem Christum initiò in re exigui momenti superare posset, etià in reliquis facilè se victoria potiturum, & Christù ad alia grauiora impulsurum.

Eadem omninò ratione faciunt pseudoprophetæ omnes, hæretici omnes, & quotquot sunt nostro æuò impostores dogmatistæ. Non illi primo aditu tam insulsè & præter rationem ac impotentè irrum-  
punt, vt nobis dicere ausi sint, secedite ab Ecclesia Catholica, deferite & abiurate fidè illam, in qua hucusq; sancti omnes, continentes & virgines, religiosi, Leuitæ & sacerdotes, tot confessorum millia, innumera martyrum frequentia, qui Euangelio sui sanguinis testimo-  
b 2 nium

nium reddiderunt, tam ingens copia vobium, vicorum & pagorum, tot insulæ, regiones, reges, populi, regna, prouinciæ, deniq; totus terrarum orbis cum omnibus dulcissimis parētibus, probis & pijs Maioribus feliciter vixerunt, & absq; dubio gaudia sempiterna & regnū celeste consecuti sunt. Non sunt illi, inquam, tam nullo sensu præditi, vt hoc pacto rem gerant: nōrunt agere cōsideratiūs: initium faciunt in re exigua nulliusque momenti, quæ non admodum referre videatur: ea verò obtenta & impetrata, reliqua omnia cumulatim sequuntur.

Hoc cōsilio in huius diei Evangelio versutus satan Dominum aggreffus est: hoc cōsilio nos quoq; satanici prophete, qui nos ad defectionem



ctionem inducere percipiūt, hodieq; pertentant. Nam, vt de illis <sup>2. Cor. II.</sup> Apostolus testatur, eiusmodi pseudapostoli, sunt operarij subdoli, transfigurātes se in apostolos Christi. Et non mirū: ipse enim satanas transfigurat se in angelum lucis. non est ergò magnum, si ministri eius transfigurētur, velut ministri iustitiæ.

Cedò, inquit, quid noxię habet, si in Quadragesima vescaris carnibus, quandò deus cibos creauit ad percipiēdum cum gratiarum actione fidelibus? Quid incōmodi allaturum est, si sub vtraque specie Cœnam iuxta Christi institutionē & primitiux Ecclesiæ morem percipias? His atq; id genus alijs, quæ videntur non maximum habere momentum, primò nos tentat cal-



lidissimus cacodemon: atque si vel in minimo nos superare, eoq; adducere queat, ut eius consilio morem geramus, atq; in una & altera re, quæ prima fronte non maximi momenti esse videatur, à Catholicæ Christi Ecclesiæ more & usu discamus, iam illi parta victoria est, & opportuno tempore, quocunque velit, nullo negotio in quasvis exitiosas, perniciales, adeoque & satanicas hæreses inducere nos poterit.

Quamobrem etiàm vir quidam vitæ sanctimoniam & doctrinam insignis, qui nostris temporibus libros edidit, id genus res, quibus initio diabolus nos tentat, non inconuenientè cuneo comparauit.

Ut enim cuneus qua parte in lignum adigitur, tenuis & exiguus est, adeo

ut

vt qui eum principiò ad lignum applicari conspicit, arbitrari queat fieri non posse, vt tam grande & crassum lignum findat: at vbì malleorum ictibus pulsatur, tum demùm res ipsa docet, quæ vis & efficacia sit illius tenuis & exiguæ partis. Nā simulatquè ea pars non nihil infixæ est, iam totus reliquus cuneus sensim subsequitur, & tantisper intrò adigitur, donec grande illud lignum distrahatur ac dissipetur: Eundem in modum accidit in Cœna sub vtraq; specie sumenda, in esu carniū permittēdo, & eius generis plerisque alijs, à quibus cædemon tentandi sumit initium, nosq; ad defectionem sollicitat & impellere molitur, quæadmodum erga innumeros hætenus id illi cessit ex animi sui sententia. Nam

vbì horum quippiam semèl receptum est, non diù pòst cunei huius pars crassior mox consecuta est, nempè Confessio Augustana, quæ tum sacerdotium, tum augustissimum atq; sanctissimum Missæ sacrificium prorsus aboleuit. Neque hîc tamen constitit satan: secuta est è vestigio alia adhuc etiàm crassior cunei pars, putà Sacramentariorum & Caluini Confessio, quæ duo illa Sacramenta, quæ Augustana Confessio reliq̃ fecerat, nēpè Baptismũ & veritatem corporis & sanguinis Christi in Eucharistia, tulit è medio: vt quẽadmodũ superior illa sectatores suos Sacerdotio & missæ sacrificio: sic ista suos his Sacramentis priuârit: atq; interim tñ nō minus Lutheranos atq; nos catholicos, idololatriæ insinulat & condēnat.

Sed

Sed neq; hîc fatîs esse visum est. necdùm infixus cuneus totus penetrauit, necdùm lignû planè diuulsum est: itaq; res ipsa deposcit, modò lignum priùs integrum penitus diffindi ac dirumpi debeat, vt pars cunei crassior absque mora impellatur. Id facit Suencfeldius, qui scripturas omnes prorsus remouet, verbi ministeriû, ceu rem externam reijcit & abrogat, nullis omninò parcit: sed qualem se præbet erga Sacramentarios, eundem se declarat erga Luteranos, & nos catholicos: omnes non alio quàm idololatrarum loco habet & damnat, quandoquidē simul omnes infirmis elementis inhæreant: id est, eo nomine eos idololatriæ cōdemnat, quòd se salutem & beatitudinem, scripturis cōfirmati, ade-

b      5      pturos

pturos sperent. Atq; hæc quidem cunei huius pars crassissima est.

Cernitis igitur, atq; abūdè ex his animaduertitis dilectissimi, cunei istius primam partem exilè ac per tenuè fuisse: sed simulatquè seductorum & perniciosorum hominum impulsu suos cœpit habere progressus, mox alias omnes dæmonum præstigias, vt proh dolor ipsa rei experientia docet, esse consecutas: atq; ità quotidiana didicimus experiētia, mox vbi in paucis quibusdam non maximi momenti rebus ab communi, vetusto & laudabili Catholicæ Ecclesiæ vsu ac more discessum est, absq; multa dilatione non vnus generis pestilentissimas esse hæreses cōsecutas.

Quisnam, obsecro, initio vel in animum inducere potuisset, disputationem hanc fidei & religiōis er-

gô, maximè Sacramenti altaris nomine enatâ, tandèm eò euasuram, q̃ noui isti euangelici cōtra expressa illa Christi verba, Hoc est corpus meū, docere nō dubitarent, in altaris Sacramēto verū Christi corpus & sanguinē non aesse? Immò verò, cū illi hāc tragœdiā primò aspicerentur, nulli ne per somnium quidem in mentem venire poterat, illos eoufque impietatis profusuros esse: atque sanè si tum, cū p̃tasin huius fabulæ & tentationis agerent, eiusmodi blasphemia vfi essent, passim omnes ab illis, tanquàm certissimis mali dæmonis nūcijs, summoperè sibi cauissent, nec illorum tentatione in vllam se defectionem pertrahi siuissent.

Atquè verò, vt iam antè quoquè dixi, & scripta diuina cōmemorāt,  
 erat

erat serpens callidior cunctis animantibus: neq; est vlla cuiusquam tanta calliditas, quæ serpentis illius versutiæ & arti possit æquiparari. Nouit ille, vtpotè non nisi ex meris dolis, imposturis & malis artibus conflatus & confusus, si se talem in ipso primo aditu exhibeat, qualis est in seipso, omnē sese operam lufurum.

Enimuerò si per sua membra & artis suæ administros mox prorūpat & dicat, Non est isthuc corpus Christi, sicut ipse Christus asseruit, sed est tātū figura corporis Christi, vel tantū significat Corpus Christi: quotusquisq; obsecro, futurus est, qui tam impia oratione vtentes ferre velit? quis non illos profligare, & extremo supplicio addicere cupiat? Voluit igitur be-  
stia



stia verfutissima mortalium pectora sensim irrepens sibi vindicare & occupare, eos pedetentim ac quadam adhibita mora demerere, atque ita gradatim ad extremam tandem impietatem & blasphemiam miseris seducere.

Principio quidem, cum nulla expeditior & explicatior via sit ad imperitum hominum vulgus in errorem inducendum, quam si novus dogmatistes asseueret dogma suum sacris literis expressè fundatum contineri: iam eiusmodi pseudopropheta & falsus doctor, verbi Dei speciem quandam prætexens, peculiarẽ quandã de externis sacrosanctæ Eucharistiæ speciebus litẽ mouet, ut hoc pacto charitatẽ, cuius hoc Sacramentum symbolum quoddam est, ex hominum pectoribus

ribus euellat, & scindat concordia  
ac vnitatē. Hinc iam eò se confert,  
vt persuadeat miseris, primò quidē  
sub vna specie non nisi corpus ex-  
angue porrigi: deindē non verum  
sanguinem, sed separatum quen-  
dam liquorem vel cruorem potan-  
dum exhiberi: videlicet id signifi-  
care volens, sub panis specie so-  
lū corpus absq; sanguine, sub vi-  
ni specie solum sanguinem absq;  
corpore haberi.

His artis suæ machinis cūm satan  
eò iam rem perduxisset, vt homi-  
nes minori deuotione ac reuerētia  
ad venerabile sacramentū accede-  
rēt, quòd vita frustra indē sperare-  
tur, vbì nulla esset vita: dein porrò  
progressus est, neq; tamen repentē  
negauit corporis Christi in eucha-  
ristia veritatem, neq; p̄tinuū affir-  
mauit

mauit, nō esse illic corpus Christi,  
 sed eam orbi doctrinam attulit, in  
 hoc Sacramento simul & panem  
 & Christi corpus adesse, vt hac ra-  
 tione Vuiclephi & Hussi iam olim  
 damnatas hereses ab inferis excita-  
 ret: cū tamen Christus non dixe-  
 rit, Hic panis est corpus meū: sed,  
 Hoc est corpus meum. D. Augu- *D. Augustinus*  
 stinus in titulū Psalmi 33. qui talis *in Psal. 33.*  
 est, Psalmus Dauid, cū mutauit  
 vultum suum coram Abimelech,  
 & dimisit eum, & abiit: locū hūc ex  
 lib. Regum iuxta Septuaginta edi-  
 tionem interpretās, in verba ea, Et  
 ferebatur in manibus suis, (sic em̃ *I. Reg. 21.*  
 ipse legit) scripsit hunc in modū:  
 Hoc verò fratres quomodò posset  
 fieri in homine, quis intelligat? ma-  
 nibus aliorū potest portari homo:  
 manibus suis nemo portatur. Quo-  
 modò

modò intelligatur, in ipso Dauid secundùm literã non inuenimus, in Christo autem inuenimus: ferebatur enim Christus in manibus suis, quandò commendans ipsum corpus suum, ait: Hoc est corpus meum. Ferebat enim illud corpus in manibus suis. Hęc Augustinus. Cuius ex verbo liquidò potest animaduerti, Christum seipsum suis gestasse manibus, cùm diceret, Hoc est corpus meum: non autem, Hic panis est corpus meum, vt nunc fatan per membra sua falsò docere non dubitat.

Hac autem opinione hominum animis affixa, quòd panis vnà cum Christi corpore in eucharistia permaneat, quo suo vanissimo dogmate huic celsissimo Sacramento non parùm reuerentiæ ac venerati-

rationis detraxit: tum verò longius prorepfit, sed ità tamen, vt necdùm planè se videndum præberet, nec quid machinaretur, satìs perspiciliceret: nec tum quidem negauit Christi corpus præsens adesse in Eucharistia, sed id ad illud solum tempus pertinere voluit, quo sumitur Sacramentum: si quis autem extra sumptionis horam illud adorare velit, illum nò alio quàm idololatræ loco haberi oportere.

Vbi verò ille persensit, isthuc ab ipso iactum fundamentum, locis non paucis apud inconstans & curiosum vulgus suam habere firmitem: deindè eam in curam incubuit, vt hoc ipso & sacerdotium & sacrificium paritèr destrueret ac profligaret, quò paulatim in omnium mortalium pectoribus oblitteretur

c      memo-

*Ephes. 5.* memoria omnis immenso-  
rum be-  
neficiorum Christi redemptoris  
& saluatoris nostri, qui semeti-  
psum cælesti patri suo vltro tradi-  
dit oblationem & hostiam gratif-  
simam pro peccatis nostris: cuius  
beneficij memoriã Catholica Ec-  
clesia hucusq; in sanctissimo Mis-  
sæ sacrificio (Deo sit gratia) aduer-  
sum inferorum portas omnes con-  
seruauit, & in hodiernũ diem lau-  
dabiliter ac pietati Christianæ con-  
gruentèr conseruat.

His autem omnibus à satana pro-  
illius arbitrato confectis, & rebus  
omnibus p̃speros deindè habentibus  
successus, tum demum quod  
moliebatur, re ipsa aggressus est,  
quodq; ab initio constituerat, ab-  
soluit, ita vt iam ceu impius clama-  
re, & vt insipiens dicere in corde  
suo

fuo non vereatur, Non est Deus, <sup>Psalm. 13.</sup>  
 putà in venerabili Sacramento, <sup>et 52,</sup>  
 neq; Christi corpus illic habetur:  
 Nō est nisi panis pistorius: & quis-  
 quis ei diuinos exhibet honores,  
 idololatra censendus est.

Hanc abominandam impietatē  
 si callidus & sanguinarius serpens  
 in ipsis mox primis huius Tragœ-  
 dię initijs per sua membra euomu-  
 iſſet, quotquot ità dicere & docere  
 auſi fuiſſent, eorum mendax os  
 non multo negotio potuiſſet op-  
 primi ac obſtrui: nec facilè quiſpiā  
 eiufcemodi impijs auditis ſermo-  
 nibus, his ſatanicis laqueis ſeſe ca-  
 pi & implicari ſuſtinuiſſet. Con-  
 ſultius itaque viſum fuit verſuto  
 ſerpenti, vt per ſuam ſobolem ab  
 infimo gradu auſpicaretur, ſuoq;  
 ventre ſenſim ſurſum nitens, &

gradatim ad superiora se trahens, à  
summo gradu in hominum pe-  
ctora irrepere, in ijsq; plus spur-  
citiei p̄gignere ac p̄pagare queat.

Quandò igitur malignus demon  
vsque adeò nobis insidiatur, per-  
niciemq; afferre molitur, sem-  
perq; circumit tanquàm leo rugi-  
ens, quærens quem deuoret, nosq;  
instar callidi aucupis blanda qua-  
dam & suauis fistula ad se illectat, ea  
ipsa Dei vocem incitans: deniquè  
escam nobis suauè fragrantem ap-  
ponit, quam nos plerunquè, ceu  
curiosi pisces huius procellosi ma-  
ris, cupidè appræhēdimus, nec in-  
terim perpendimus hamum mor-  
tiferum in ea latere, quo suos ille  
captiuos in tartari abyssum detra-  
hit: meritò nos quidem dilectissi-  
mi, cauti ac præmoniti esse debe-  
mus,



mus, vt quoad eius fieri possit, ab illius fallaciosi artibus & dolis nobis caueamus.

Quòd si quærat aliquis, quânam ab huius milleartificis imposturis & fraudibus cauere debeamus: faciendû planè est, quemadmodum Christus in hodierno fecit Euangelio, cum iam Quadraginta dierû exacto ieiunio, esurire cœpisset, adeò vt teter cacodæmôn iam omninò persuasum haberet, atque camspem sua opinione deuorâisset, se Christum dexterrimè appetiisse & aggressum esse, atque cum in modum in sua præsidia adduxisset, vt indè non posset sese porrò extricare, sed in illius deditiõnem concedere cogeretur, quæ illi causa fuit Christum primò omnium gulæ illecebris pertentâdi: vbi tum Chri

sto vtendum fuit gladio spiritûs, id est, verbo Dei: quod & fecit, quandam illi obijciens scripturæ diuinę sententiam, atque eiusmodi illum responsione flagellās, vt deinceps meritò ille à tentando Domino abstinere debuerit. Scriptum est, ait ad satanam, Non in solo pane viuit homo, sed in omni verbo, quod procedit de ore Dei. Hac, inquam, ratione nos quoquē diabolō resistere debemus, vt quotiēs ille nos siue in vno, siue pluribus, illis præfertim, quæ corruptæ naturæ nostræ grata & iucunda sunt, ab Catholica Christi Ecclesia abducere conatur, totiēs nos quoq; Christi exemplo scripturas illi opponamus, dicamusq; Scriptum est, Ecclesiam esse columnam & firmamentum veritatis, cui nec portæ

*Deut. 8.*

*1. Timot. 3.*

*Matth. 16.*

tæ inferorum vnquàm sint præ-  
ualitura.

Agè iam funeste cacodæmon,  
noueris eum, qui suæ Ecclesiæ in  
terris degenti isthuc pollicitus est, <sup>Ioann. 14.</sup>  
ipsissimam esse veritatem, quæ nec  
fallere nec mētiri nōrit: cuius nos  
verbis fidentèr ac optima spe inni-  
timur. Neque etiàm vllam prorsùs  
apud nos dubitationē habet: quæ  
vnanimi eiusdem Ecclesiæ catho-  
licæ consensu recipiuntur, ea non  
aliundè, quàm ex Dei Spiritu, qui  
idem veritatis Spiritus est, profici- <sup>Ioann. 14.</sup>  
sci. Itaque licèt medius crepes ter <sup>16.</sup>  
execrande satan, etiamsi portæ  
omnes inferorum sese nobis op-  
ponant, licèt tui legati & concio-  
natores multo etiàm magis sæui-  
ant ac debacchentur: at nos tamen  
in Dei Ecclesia constantes perma-  
nemus,

nemus, quippe extra quam nulla  
 cuiquam salus & beatitudo contin-  
 gere potest. Hanc nos Ecclesiam  
 in duodecim symboli Apostolici  
 & nostræ fidei articulis cōfitemur.  
 Hac nos Ecclesia gloriamur. Hæc  
 ea Ecclesia est, de qua Christus ipse  
 dixit: Si Ecclesiam non audiêrit, sit  
 tibi sicut ethnicus & publicanus.  
 Pro hac Ecclesia Christus fudit ro-  
 seum ac preciosum sanguinem su-  
 um. In hac Ecclesia, tanquàm ma-  
 tre nostra, in qua nati & per Bapti-  
 tismum regenerati sumus, censerî  
 ac numerari volumus, donec spi-  
 ritus hos reget artus. De illa enim,  
 deque doctrina, quam ea profite-  
 tur, id certum exploratumque nos  
 habemus, eam iam inde ab Apo-  
 stolorû temporibus legitima suc-  
 cessione, sinè intermissione, velut  
 per

Matt. 18.

per manus traditam, absq; vlla de-  
 prauatione puram ac mundam or-  
 dine ad nos vsque peruenisse: cum  
 tamen è diuerso inficiàs ire non  
 possis teterrime satan, tentator &  
 seductor populi Christiani, do-  
 gmata omnia, quæ intra annos quin-  
 quaginta per tuos prædicantes sub  
 splendido sacrosancti Euangelij  
 prætextu & titulo passim propagâ-  
 sti, non nisi nouas esse doctrinas,  
 hætenùs ista ratione nunquã tra-  
 ditas, nunquàm hoc modo prædi-  
 catas, nunquàm hoc sensu vel in-  
 tellectu annunciatas.

Immò verò plus aliquid dicam:  
 non potes tu ne vnum quidẽ Chri-  
 stianum, approbatum & Catholi-  
 cum Ecclesiæ Dei Doctorem no-  
 minare, immò nec hæreticũ qui-  
 dem: qui vel Luteranæ vel Calui-

nianæ doctrinæ corpus ante hanc ætatem scripto compræhenderit: qui scripta diuina, quòd ad præcipua Christianæ religionis capita attinet, sic acceperit & interpretatus sit, vt tui fidissimi administri, longè lateque, à te dimissi & ablegati, in præsentiarum ea accipiunt & exponunt.

An non autem hoc omniũ longè est calamitosissimum? an non vel maximè miserandum ac lamentandum, mundum iam indè à Christi in cælos ascensione longè ultra mille quingentos durauisse annos, nectamē tot seculis vel vnum aliquem extitisse, qui scripta diuina rectè intellexerit, & vera fuerit fide præditus?

Quòd si verò putas quibuslibet temporib⁹ nōnullos alicubi hinc-  
indè

indè in angulis delituisse, qui per omnia consentaneam & consonam fidem & doctrinam retinuerint ac ppugnârint, quæ grassantium hominùm sectarum vel vni alicui vsquequaquè consentiat, e quidem hanc mihi velim nominatim exprimi & indicari, quo loco extiterit, tradita & prædicata sit, qua in provincia, qua vrbe, qua Ecclesia, è quo pulpito, qua tempestate, cuius Imperatoris Romani Imperio: vt itè vocentur libri, quibus nouæ huius doctrinæ corpus conscripserint & consignârint. Atquè satis superq; cognitum habeo, maligne dæmon, etiâ si multò sis callidior atquè es, neque te, neque complices tuos id vnquam planum esse facturos. Nam vt probè me assequamini, charissimi, dictaque mea tenaciùs memoria

ria complecti possitis, rursus eadē repetens, planē & apertē luculētis ac disertis ego verbis pronuncio, nouis istis Euangēlicis buccinatoribus esse prorsus impossibile, vt vel vnum aliquem probum, sanctum, approbatum Ecclesiæ Dei Doctorem nominent, qui confessionis ipsorum corpus, id est, consonam quandam præcipuorū religionis ipsorum, quam hodiē profitentur ac docent, capitum summam conscripserit & literis consignarit.

Quòd si igitur isthuc verum est, vt est sanè verissimum, nec diuersum vnquàm doceri poterit: quid, oro, aliud hinc conficitur vel consequitur, nisi hoc tantum, si quidem illorum fides sit vera, Christiana, Euangelica & saluans fides, iam



iam Christum omninò frustrà esse  
passum & mortuum, roseumque  
sanguinem suum in sanctæ crucis  
stipite inanitèr profudisse? Cui em̃  
vllam attulit vtilitatem? cui vel bo-  
no vel commodo fuit? cui ea quic-  
quam contulit, quādò totus mun-  
dus haud secus, atquè antea, igno-  
rantia tenebris & idololatria man-  
sit implicatus? Eum verò talè per-  
mansisse, indè conficitur, quòd il-  
li ne vnū quidem nominare que-  
ant, qui ante hoc tēpus scripta di-  
uina, quòd ad religionis nostrę ca-  
pita attinet, ipsorum more inter-  
pretatus sit. Atque verò vbi inte-  
rīm sunt illæ amplissimæ Christi  
seruatoris promissiones, Eccè ego  
vobiscum sum omnibus diebus  
vsque ad consummationem seculi.  
Itemque: Ego rogabo patrem,  
&

Matth. 28.

Ioann. 14.

& alium paracletum dabit vobis,  
vt maneat vobiscum in æternum,  
spiritum veritatis.

*Psalm. 16.*

Non potest igitur non esse verum, atque in omnem eternitatem verum permanere, quod est ab ipsa veritate dictum: contrà autem nulla potest soliditate probari, quod mentita est iniquitas sibi. Christus Dominus, Ecclesię caput, hoc mysticum suum corpus, quod est Ecclesia, non deserit: nec deest Ecclesię, nec in omne æuum deerit Spiritus sanctus, qui eam dirigat, regat, ducat, vt in illis possit labi errores. Atque ab hac Ecclesia non patiemur nos vel latum vnguem nec in re minima abduci, quandoquidem extra illam, æquè atquè diluuij tempore extra Noę arcam, nullus mortalium ab æterna potest

*Genes. 7.*

test damnatione seruari. Quæ nobis isthæc sanctissima atque fidissima parens nostra in rebus fidei vel in causa religionis præscribit, ea nos citra vllam hæsitantiam ceu recta, pia, diuina, Christiana, Euangelica sentimus, tenemus, credimus, confitemur. Quæ verò ea vetat, illa nos haud alitèr, atquè virus exitiale, deuitemus.

Vos igitur dilectissimi, ybì teterimodæmoni, quotiès ille rebus quibusdam etiàm non maximi momenti vos tentare & oppugnare, atq; à Catholica Christi Ecclesia auocare conabitur, hunc in modum semper fortitèr vos opposueritis, perindè ille, vt in hodierno cum Dei filio conflictu, re infecta, ceu turpiter victus, cum dedecore abscedere compelletur.

Porro

Porro cùm tanti sit periculi, si quis etiàm in re exigua, quam non putet magni esse momenti, malo demoni assentiatur & cedat, equidem vos charissimi denuò hîc omni qua possum fide admonitos velim, vt ab hoc veteratorio hoste omnibus in rebus atque omni ex parte diligentèr caueatis, neq; illi vel in minimo cedatis: sed Christi exemplo, æquè in minimis vt in maximis semper illi magna animi contentione reluctemini. Qua de re visum est, vnum atque alterum certis quibusdam & specialibus in rebus exemplum proponere.

Si ergò malignus dæmon persuadere tibi velit, vt bonis operibus nuncium remittas, vt quæ propius & totius perditionis gregis sui sententia, non modò nihil confe-

rant,

rant, sed etià officiant salutis sempiternæ: tu planè recuses, propterea quòd Apostolus verbis disertis testatus sit, redditurum Deum vni<sup>Roman. 2.</sup> cuique secundum opera sua: atque alibi dixerit: Bonum faciētes, non deficiamus: tēpore enim suo meremur non deficientes. Et rursus: Omnes nos manifestari oportet<sup>2. Cor. 5.</sup> ante tribunal Christi, vt referat vnusquisq; propria corporis prout gessit, siue bonum, siue malum.

Si hortatur satan, vt in Quadregesima carnibus vescaris, idq; propterea, vt Pontifici & sacerdotibus ægrè facias & insultes: dicens tum demum te esse germanè Euangelicum virum, si edas cibum, quem Deus hominibus alendis condiderit: tu illi morem nè geras. Siquidem Apostolus disertis, perspicuis,  
d      lucu-

luculentis ait verbis, Si esca scandalizat fratrem meum, non manducabo carnem in æternū, nè fratrem meum scandalizem.

Si suadet satan, nè deinceps signum sanctæ crucis tibi imprimas, asserens id idololatricū & artis magicæ esse, adeoq; tantūdem, àc si quis in aëre exprimat circulū, cuiusmodi blasphemias quidam, in novis istis Evangelicis præpositis non postremum obtinens locum, non ita pridem scribere, & typis excusas, palam edere non dubitavit, tu vide nè illi obtemperes.

*Philip. 3.*

Nam & D. Paulus eius farinæ homines inimicos crucis Christi vo-

*Athanas. de  
human. Chris-  
ti & advena-  
tu eius in car-  
ne.*

*Chrysosto. in*

cat, & sanctissimi Patres, Athanasius, Chrysostomus, Augustinus, pluresq; alij scriptum reliquerunt, præsigni crucis formidine dæmo-

nes

nes fugere, diuinationes euanc= *demonstrat.*  
 scere, & omne genus incantatio= *aduersus gens*  
 num profligari atque iacere: speci= *tes, & oratis*  
 atim verò fide dignus Historicus *one 5. aduers*  
 Theodoretus de Iuliano Impera= *fus Iudæo, &*  
 tore, qui à fide Christi apostata dif= *Homil. 55. in*  
 cesserat, in suis historijs annotauit, *Matthæum.*  
 cùm à quodam in simulacrorum *Augustin. in*  
 edis adyta introductus vidisset dæ= *Psalm. 141 et*  
 mones ea, qua solèt, facie apparen= *Tract. 118. in*  
 tes, metu coactū inscripsisse fronti *Ioannem. &*  
 signū crucis: at dæmones conspe= *Serm. 19. de*  
 cta figura Dominici trophæi, & *Sanctis.*  
 stragis suæ memores, mox euanu= *Theodor. lib.*  
 isse. *3. cap. 3. Hist.*  
*Ecclesiast.*

Postremò si suggerat animo tuo  
 teterrimus hostis, vt à sancta Ca-  
 tholica Ecclesia deficias, atq; ipsius  
 sectis & factionibus tete adiungas,  
 affirmans, Papatum (ità enim so-  
 lent isti contumeliosi Catholicam

Ecclesiam nominare) non nisi fabulis, anilibus deliramentis, & confictis mendacijs niti, quemadmodum frater Raufchius Neoburgensis in sua Centonouella nupèr edita scriptitat, tu illi prorsus non assentias. Nostri em̃ Parochi & concionatores, quos ex Dei benignitate & gratia in Bauaria & alijs Catholicis regionibus habemus, nullam aliam sempiternæ salutis viam & rationem nobis commonstrât, quàm ipsum adeò Christum Iesum. Is enim verum est atque vnicum fundamentum, nec vllum potest esse vel poni aliud fundamentum, ipso quoquè Paulo teste, præter id quod positum est, quod est Christus Iesus: quo etiàm nostra fundata est & nititur doctrina, ne utiquàm verò his aut illis, vt tu quidem

*Raufchius,  
Ecclesiastes  
Neoburgensis  
ad Danubiū.*

*1. Corinth. 3.*

*Fundamentū  
Papistice religionis.*



dem appellas, Lugendis commen- Lugendas vocat Legendas, alludes ad vocē Germanicam, lugen, quæ significat mendacium.  
 titijs: quanquàm ego sanctorū, vt  
 vocant, Legendis quibusdam neq;  
 arrogare, neque derogare fidem  
 velim.

Immò verò si quidem isthuc te  
 nôsse iuuat, in papatu hætenùs ho-  
 mines ad hunc Christum Iesum,  
 non ad alium aliquem, tanquàm  
 ad verum & vnicum nostræ fidei,  
 nostræ salutis, nostræ beatitatis la-  
 pidem angularem, semper remissi  
 sunt: Christianique ante sexaginta,  
 septuaginta, octoginta, centum,  
 ducentos, trecentos, quadringen-  
 tos annos, & ad ipsam vsque deinceps  
 Apostolorū ætatem, in Pontificia,  
 id est, Christi Catholica Ecclesia  
 semper ad vnum Christum  
 Iesum, ceu vnicum Seruatorem ac  
 redemptorem nostrum, non ad vl-

d 3 lum

lum alium directi sunt, idque non solum scriptis & concionibus, sed etiam certis quibusdam instituentibus diebus ac temporibus, externis signis & imaginibus, vestibus, gestibus, atque pluribus alijs cæremonijs. Cur non igitur ab ipsis intimis visceribus pudet te miserum, fidesimam parentem tuam, Ecclesiam Catholicam, quam tu per contemptum Papisticam vocas, quæ te per Baptismatis Sacramentum, quod negare non potes, regeneravit, quæ te in electorum numerum admisit, quæ te initio duodecim sacrosanctæ fidei nostræ articulos edocuit, tam mendaciter conuicijs & contumelijs lacerare, atque absque ullo veritatis adminiculo in ipsa tui operis præfatione toto orbe traducere ac infamare, perinde ac si ea  
illam

illam non docuerit & prædicârit  
 fidem, qua nos confitemur, non  
 aliud nomen sub cælo datum ho- *Actor. 4.*  
 minibus, in quo oporteat nos sal-  
 uos fieri, in quo quisquâ vnquàm  
 saluus factus sit, vel futurus sit sal-  
 uus, præter vnicum illud eius no-  
 men, qui ea causa voluit Iesus ap- *Matth. 1.*  
 pellari, quòd ipse populum suum  
 saluum faceret à peccatis eorum:  
 sed potiùs eiusmodi tradiderit fi-  
 dem, quæ, vt tute loqueris, crassis,  
 opimis, putentibus mendacijs fun-  
 data sit?

Vndè tibi tandèm isthæc confi-  
 dentia & audacia frater Raufchie,  
 vt tam procacitè ac impudentè  
 istiusmodi apertissimas calumnias  
 & mendacia, quæ tamen nulla vn-  
 quàm ratione docere ac probare  
 poteris, aduersùs luculentam, eui-

dentem, manifestam veritatem in lucem typis excusa edere non dubitâris? Nimirum, vt permulta alia silentio præteream, si tu vel solas illas præclaras & insignes ferias ac solennitates, quæ per totius anni circulum in Catholica Ecclesia celebrantur, contemplatus esses, re ipsa comperisses in ipso adeò Patu totum annum in certa quædam tempora mirificè distributū, ità vt nullus sit de Christo fidei nostræ articulus, qui non peculiare intra anni curricula suas habeat ferias: vndè fit, vt credentes hac ratione luculentè & pulchrè eorum omnium, quæ de Christo credere debeant, admoneantur, adeò vt fieri non possit, eorum vt obliuione capiantur. Qua tu igitur fronte dicere ausus es, fidem nostrā, quæ Christi

Christo innititur, & in Christum  
 dirigitur, mendacijs & commen-  
 titijs Legēdis fundatam esse? Quàm  
 ego hīc possem tibi os opprimere,  
 frater Raufchie, si visum esset arti-  
 culos fidei omnes ordinè recense-  
 re, ac simul liquidò ostendere, vt il-  
 li per omnes temporum successi-  
 ones in Papatu traditi sint, certisq;  
 institutis diebus non absque pijs  
 & religiosis cæremonijs obseruati,  
 populiq;ue animis sedulò & dili-  
 gentèr inculcati & affixi: (vndè pla-  
 num sit, Pontificiam fidem non  
 commentitijs Legendis, sed Chri-  
 sto crucifixo & fuisse sempèr, &  
 etiam nūm esse fundatam) vtq; de  
 eadem Christi cruce haftenùs Pa-  
 patus docuerit, eam esse salutem,  
 redemptionem, gloriam, trium-  
 phum, præcipuam spem & fidutiã

noſtram. Verùm quandò his commemorandis ꝑlixior futurus ſum, in præſentiarùm iſſ ſuperſedeo: neque tamen committere poſſim, quin aliquot valediçtur⁹ tibi, quæſtiones priùs obijciam.

Cedò frater Rauſchie, num te clā eſt, in Papatù olīm eo nomine ieiunium quadraginta dierum, quod Quadrageſimā vocant, inſtitutū & obſeruatum, vt per illos dies ſibi quiſque de cibo ac potu detraheret, & ieiunando atque orando ſe ſe aptum & idoneū redderet, quò cæteris rebus poſtpoſitis om̃ibus, ſoli crucis & perpeſſionis Chriſti meditationi & commemorationi tanto commodiùs & attentiùs vacare ac incumbere poſſet?

Num tu ignoras extremam illius ieiunij hebdomadam, quæ propterea

ptereà vulgò pœnosa, id est, cruciabilis dicta est, perpetuis temporibus non nisi precibus, & mortis ac perpeffiōis Christi commemoratione & meditatione deuotè accipière transmissam esse?

An te fugit Raufchie, eam ipsam hebdomadam hoc solo nomine sanctam esse nuncupatam, quòd in illa nobis Dominicæ passionis & mortis, qua nos abluti, sanctificati, iustificati sumus, mysteria proponantur?

Nescis Raufchie iam olim in Papatu, id est, vera & germana Christianitate, tota illa sancta hebdomada ferias celebratas, & prophana atque mundana negocia omnia seposita, totoque illo sacro tempore pios quosque nulla realia animum occupasse, quàm solis illis  
com-

commemorandis immensis beneficijs, quę Christus Iesus, idem ipse & sacerdos & sacrificiũ, in ara crucis nobis pro sua benignitate & clementia contulit?

*Hier. 31.*

*Hebr. 12.*

*Augustin. de  
utilitate peni-  
tentia cap.*

*1. Tertull. li.*

*2. cõtra Mar-  
cionem.*

*Matt. 18.*

*Orige. Homi.*

*2. in Psalm.*

*37. Augustin.*

*Sermo. 66. de*

*tempore.*

An te latet, Christum quidem sacrosancta passione & morte sua peccatorum omnium impetrasse veniam, at eam ipsam tamẽ neminem consequi posse, nisi qui peccata sua, ceu tantorum Christi cruciamentorum causam, prius intimo cum dolore seriò commemo-  
ret, eadem detestetur, auerfetur & odio psequatur: eorum causa medullitus doleat, acerbè ploret, sicq; ad sacerdotem, tanquàm Christi ministrum, properet, quippe cui ligandi & soluendi potestas diuinitus collata est, coram illo peccata sua ordinè explicet, eiusque sacerdotali



dotali quidem ministerio, at virtute tamen & meritis passionis & mortis Christi sese absolui, cū Deo patre, quem totiès & tam immanitèr offenderit, in gratiam restitui concupiscat?

Postremò, num tu compertum non habes Raufchie, hanc ipsam, nec vllam aliam ob causam Christi Catholicam Ecclesiam sanxisse, atque orthodoxis filiis suis præscripsisse, vt id genus pœnitentiæ opera hoc potissimùm sanctæ hebdomadis tempore singuli quique exerceant: vt hoc ipso quoquè admo-  
neantur omnes, peccatorum remissionem non nisi ex passionis & mortis Christi meritis proficisci?

Atquè sanè hæc & pleraq; alia tibi sunt compertissima, cū sit plusquàm euidens, luculentum,  
per

*Ephes. 2.*

perspicuum, actoto orbe notissimum & apud omnes peruulgatū, Pontificiam, id est, veram, germanam, antiquam, catholicā & Apostolicam fidem, nullo alio inniti atque insistere fundamento, quàm Apostolorum & Prophetarum, ipso summo angulari lapide Christo Iesu, in quo omnis ædificatio constructa, crescit in templū sanctum in Domino. Quis tu igitur in animum inducere ausus es, vt tam impudentè, falsò ac temerè, cōtra tuam ipsius mentem & conscientiam, Catholicam Ecclesiam calumniosis criminibus innocentem insectareris? O Rauschie Rauschie, illis sempiternis æstuātis gehennæ flammis sulphureis sinè vllō fine cōcremari & torreri, quàm erit acerbū & intolerabile. Quanto

to tu rectiùs consuluiſſes tum tibi,  
tum alijs, ſi hoc commentũ tuum,  
quod non niſi in tuumipſius de-  
decus & ludibrium in lucem emiſ-  
ſiſti, ſupreſſiſſes potiùs, & te vnà  
cum miſero grege tuo domi con-  
tinuiſſes? Nam id ego tibi certò  
cõfirmare auſim, eiufmodi figmẽ-  
tis te neque mihi, neque vlli alij  
perſuaſurũ, vt talis nugatoris ſcri-  
pto nugaciſſimo ac futiliſſimo ſeſe  
permoueri ſinat, vt relictã eccle-  
ſia Catholica, ad veſtras planè lace-  
ras & diſſectas ſectas atque factio-  
nes deficiat: præſertim verò, quan-  
dò Apoſtolicis inſtituti literis, no-  
uimus vnum eſſe Deum, vnã *Ephes. 4.*  
dem, vnum Baptiſma, vnã eccle-  
ſiam, vnum Chriſti myſticum cor-  
pus, vnã arcam, in qua nos ab *Genes. 6.*  
æterno diluuiò conſeruamur.

Hunc

Hunc igitur in modum, dilectissimi, exemplo Seruatoris nostri, cuius hodiernum meminit Euangelium, cacodæmoni resistere nos debemus, ipsum quoquè vnà cum Domino Salvatore, certò & citra dubium vllum hac ratione superaturi, quemadmodum apud D. Iacobum legere est, ità dicentē: Resistite diabolo, & fugiet à vobis. Et hætenùs quidem de primo Christi Seruatoris cum diabolo conflictu, & ex illo relata victoria dixisse sufficiat.

Iac. 4.

II. Tentatio  
& pugna  
satanæ contra  
Christum.

Iam porrò etiàm de altero certamine quippiam dicendū est. Nam teter ille spiritus licèt à Christo semel esset profligatus, non tamen proptereà continuò omnem pugnandi animum abiecit: sed cū hac ratione nihil se cerneret profecisse,

fecisse, aliam tentare cœpit. Vt  
 enim hodierni Euangelij textus  
 habet, assumpsit eum diabolus in  
 sanctam ciuitatem, & statuit eum  
 super pinnaculum templi, & di-  
 cit ei: Si filius Dei es, mitte te de-  
 orsum. Scriptum est enim, Quia <sup>psalm. 90.</sup>  
 Angelis suis mandauit de te, & in  
 manibus tollent te, nè fortè offen-  
 das ad lapidem pedem tuum.

In horum explanatione verbo-  
 rum, meum ego morem & institu-  
 tum retinēs, nolo cerebri mei sen-  
 tentiam & priuatam intelligentiā  
 sequi, certus me hominem esse, &  
 quidem ætate iuuenem ac imperi-  
 tum & indoctum hominem, atq;  
 ea causa facilè falli posse: sed eorū  
 interpretationem dictorum ex in-  
 signi illo Doctore Vincentio Liri-  
 nensi, qui tempore Ephesini con-  
 ciliij

cilij, ante annos plùs minùs mille ducentos vixit, vobis adferam, cuius quidē hæc verba sunt in libello illo, qui est de Catholicæ fidei vniuersitate & antiquitate:

Quid, inquit, diabolus faciet misellis hominibus, qui ipsum Dominum Maiestatis, scripturarum testimonijs appetiuit? Si, inquit, filius Dei es, mitte te deorsùm. Quare? Scriptum est enim, inquit. Magnoperè nobis doctrina loci istius attendenda atque retinenda est, vt tanto Euangelicæ authoritatis exēplo, quando aliquos Apostolicā seu Prophetica verba proferre contra Catholicam fidem viderimus, diabolum per eos loqui minimè dubitemus. Nā sicut tunc caput capiti, ità nūc quoquē mēbra mem-

membris loquuntur: membra scilicet diaboli membris Christi, perfidi fidelibus, sacrilegi religiosi, hæretici postremò Catholicis. Sed quid tandèm dicit? Si, inquit, filius Dei es, mitte te deorsùm. Hoc est: Filius esse vis Dei, & hæreditatem regni cælestis accipere, mitte te deorsùm, id est, ex istius te sublimis Ecclesiæ, quæ etiàm templum Dei putatur, doctrina & traditione demitte. Ac si quis interroget quempiam hæreticorum sibi talia persuadentem, Vndè probas? Vndè doces, quòd Ecclesiæ Catholicę vniuersalẽ & antiquam fidem dimittere debeam? Statim ille, Scriptum est enim: Et continuò mille testimonia, mille exempla, mille authoritates parat de Lege, de Psalmis, de Apostolis, de Prophetis,

c 2 qui-

quibus nouo & malo more interpretatis, ex arce Catholica in hæreseos barathrū infelix anima precipiteſ. Iam verò illis, quæ ſequuntur, promiſſionibus miro modo incautos homines hæretici decipere conſueuerunt. Audēt etenim polliceri & docere, quòd in Eccleſia ſua, id eſt, in communionis ſuæ conuenticulo, magna & ſpecialis ac planè perſonalis quædā ſit Dei gratia, adeò vt ſinè vllo labore, ſinè vllo ſtudio, ſinè vlla induſtria, etiā ſi nec petant, nec quærant, nec pulſent, quicumque illi ad numerum ſuum pertinent, tamen ità diuinitùs diſpenſentur, vt angelicis cuncti manibus, id eſt, angelica protectione ſeruati, nunquàm poſſint offendere ad lapidem pedē ſuum, id eſt, nunquàm ſcandalizari.

Iſthæc



Isthæc omnia iam ordinè recitata, memoratus Vincētius Lirinen-  
 sis de hoc altero Christi aduersùs  
 teterrimum satanam agone con-  
 scripsit. An non verò, tametsi ille  
 de suorum temporum hæreticis lo-  
 quitur, etiàm huius ætatis nouos  
 Euangelicos buccinatores cum-  
 primis lepidè, elegantè, graphicè  
 & ad viuum, vt plùs fatis eos liceat  
 agnoscere, vobis dilectissimi effin-  
 xisse, suisq; colorib<sup>9</sup> expressisse vi-  
 detur? Omninò sic se res habet,  
 charissimi. Nam si rem omnem  
 accuratè pensiculemus, videmus  
 malignum dæmonem per Apo-  
 stolos suos, nouos noui Euangelij  
 præcones, nihil neq; maiori con-  
 tentione, neque attentiori studio  
 & assiduitate moliri, quàm vt per-  
 suadeatur hominibus, quò sese de-

noſtram. Verùm quandò his commemorandis ꝓlixior futurus ſum, in præſentiarùm ijs ſuperſedeo: neque tamen committere poſſim, quin aliquot valedictur⁹ tibi, quæſtiones priùs obijciam.

Cedò frater Rauſchie, num te clā eſt, in Papatū olīm eo nomine ieiunium quadraginta dierum, quod Quadrageſimā vocant, inſtitutū & obſeruatum, vt per illos dies ſibi quiſque de cibo ac potu detraheret, & ieiunando atque orando ſe ſe aptum & idoneū redderet, quò cæteris rebus poſtpoſitis om̃ibus, ſoli crucis & perpeſſionis Chriſti meditationi & commemorationi tanto commodiùs & attentiùs vacare ac incumbere poſſet?

Num tu ignoras extremam illius ieiunij hebdomadam, quæ propterea

ptereà vulgò pœnosa, id est, cruciabilis dicta est, perpetuis temporibus non nisi precibus, & mortis ac perpeffiõis Christi commemoratione & meditatione deuotè accipière transmissam esse?

An te fugit Rauschie, eam ipsam hebdomadam hoc solo nomine sanctam esse nuncupatam, quòd in illa nobis Dominicæ passionis & mortis, qua nos abluti, sanctificati, iustificati sumus, mysteria proponantur?

Nescis Rauschie iam olim in Papatu, id est, vera & germana Christianitate, tota illa sancta hebdomada ferias celebratas, & prophana atque mundana negocia omnia seposita, totoque illo sacro tempore pios quosque nulla realia animum occupasse, quàm solis illis  
com-

commemorandis immensis beneficijs, quę Christus Iesus, idem ipse & sacerdos & sacrificiũ, in ara crucis nobis pro sua benignitate & clementia contulit?

*Hier. 31.  
Hebr. 12.*

An te latet, Christum quidem sacrosancta passione & morte sua

*Augustin. de  
utilitate peni-  
tentia cap.  
1. Tertull. li.  
2. cõtra Mara-  
cionem.*

peccatorum omnium impetrasse veniam, at eam ipsam tamẽ neminem consequi posse, nisi qui peccata sua, ceu tantorum Christi cruciamentorum causam, prius intimo cum dolore seriò commemoraret, eadem detestetur, auerfetur & odio psequatur: eorum causa medullitus doleat, acerbè ploret, sicq; ad sacerdotem, tanquàm Christi ministrum, properet, quippe cui ligandi & soluendi potestas diuinitus collata est, coram illo peccata sua ordinè explicet, eiusq; sacerdotali

*Matt. 18.  
Orige. Homi.  
2. in Psalm.  
37. Augustin.  
Sermo. 66. de  
tempore.*

dotali quidem ministerio, at virtute tamen & meritis passionis & mortis Christi sese absolui, cū Deo patre, quem totiès & tam immanitèr offenderit, in gratiam restitui concupiscat?

Postremò, num tu compertum non habes Raufchie, hanc ipsam, nec vllam aliam ob causam Christi Catholicam Ecclesiam sanxisse, atque orthodoxis filiis suis præscripsisse, vt id genus pœnitentiæ opera hoc potissimùm sanctæ hebdomadis tempore singuli quique exerceant: vt hoc ipso quoquè admo-  
neantur omnes, peccatorum remissionem non nisi ex passionis & mortis Christi meritis proficisci?

Atquì sanè hæc & pleraq; alia tibi sunt compertissima, cū sit plusquàm euidens, luculentum,  
per

to tu rectiùs consuluiſſes tum tibi,  
 tum alijs, ſi hoc commentũ tuum,  
 quod non niſi in tuumipſius de-  
 decus & ludibrium in lucem emiſ-  
 ſiſti, ſupreſſiſſes potiùs, & te vnà  
 cum miſero grege tuo domi con-  
 tinuiſſes? Nam id ego tibi certò  
 cõfirmare auſim, eiufmodi figmẽ-  
 tis te neque mihi, neque vlli alij  
 perſuaſurũ, vt talis nugatoris ſcri-  
 pto nugaciſſimo ac futiliſſimo ſeſe  
 permoueri ſinat, vt relictã eccle-  
 ſia Catholica, ad veſtras planè lace-  
 ras & diſſectas ſectas atque factio-  
 nes deficiat: præſertim verò, quan-  
 dò Apoſtolicis inſtituti literis, no-  
 uimus vnum eſſe Deum, vnã *fi- Ephes. 4.*  
 dem, vnum Baptiſma, vnã eccle-  
 ſiam, vnum Chriſti myſticum cor-  
 pus, vnã arcam, in qua nos ab *Genes. 6.*  
 æterno diluuiò conſeruamur.

Hunc

Hunc igitur in modum, dilectissimi, exemplo Seruatoris nostri, cuius hodiernum meminit Euangelium, cacodæmoni resistere nos debemus, ipsum quoquè vnà cum Domino Salvatore, certò & citra dubium vllum hac ratione superaturi, quemadmodum apud D. Iacobum legere est, ità dicentē: Resistite diabolo, & fugiet à vobis. Et hætenùs quidem de primo Christi Seruatoris cum diabolo conflictu, & ex illo relata victoria dixisse sufficiat.

Lac. 4.

II. Tentatio  
 & pugna  
 sana contra  
 Christum.

Iam porrò etià de altero certamine quippiam dicendū est. Nam teter ille spiritus licet à Christo semel esset profligatus, non tamen propterea continuò omnem pugnandi animum abiecit: sed cū hac ratione nihil se cerneret profecisse,

fecisse, aliam rem tentare cœpit. Ut  
 enim hodierni Euangelij textus  
 habet, assumpsit eum diabolus in  
 sanctam ciuitatem, & statuit eum  
 super pinnaculum templi, & di-  
 cit ei: Si filius Dei es, mitte te de-  
 orsum. Scriptum est enim, Quia <sup>Psal. 90.</sup>  
 Angelis suis mandauit de te, & in  
 manibus tollent te, nè fortè offen-  
 das ad lapidem pedem tuum.

In horum explanatione verbo-  
 rum, meum ego morem & institu-  
 tum retinēs, nolo cerebri mei sen-  
 tentiam & priuatam intelligentiā  
 sequi, certus me hominem esse, &  
 quidem ætate iuuenem ac imperi-  
 tum & indoctum hominem, atq;  
 ea causa facilè falli posse: sed eorū  
 interpretationem dictorum ex in-  
 signi illo Doctore Vincentio Liri-  
 nensi, qui tempore Ephesini con-  
 ciliij



cilij, ante annos plùs minùs mille ducentos vixit, vobis adferam, cuius quidē hęc verba sunt in libello illo, qui est de Catholicæ fidei vniuersitate & antiquitate:

Quid, inquit, diabolus faciet missellis hominibus, qui ipsum Dominum Maiestatis, scripturarum testimonijs appetiuit? Si, inquit, filius Dei es, mitte te deorsum. Quare? Scriptum est enim, inquit. Magnoperè nobis doctrina loci istius attendenda atque retinenda est, vt tanto Euangelicæ auctoritatis exēplo, quandò aliquos Apostolicā seu Prophetica verba proferre contra Catholicam fidem viderimus, diabolum per eos loqui minimè dubitemus. Nā sicut tunc caput capiti, ità nūc quoquē mēbra mem-

membris loquuntur: membra sci-  
licet diaboli membris Christi, per-  
fidi fidelibus, sacrilegi religiosis,  
hæretici postremò Catholicis. Sed  
quid tandèm dicit? Si, inquit, fili-  
us Dei es, mitte te deorsùm. Hoc  
est: Filius esse vis Dei, & hæredita-  
tem regni cælestis accipere, mitte  
te deorsùm, id est, ex istius te subli-  
mis Ecclesiæ, quæ etiàm templum  
Dei putatur, doctrina & traditione  
demitte. Ac si quis interroget  
quempiam hæreticorum sibi talia  
persuadentem, Vndè probas? Vn-  
dè doces, quòd Ecclesiæ Catholicę  
vniuersalẽ & antiquam fidem di-  
mittere debeam? Statim ille, Scri-  
ptum est enim: Et continuò mille  
testimonia, mille exempla, mille  
authoritates parat de Lege, de Psal-  
mis, de Apostolis, de Prophetis,

quibus nouo & malo more interpretatis, ex arce Catholica in hæreseos barathrū infelix anima precipiteſ. Iam verò illis, quæ ſequuntur, promiſſionibus miro modo incautos homines hæretici decipere conſueuerunt. Audēt etenim polliceri & docere, quòd in Eccleſia ſua, id eſt, in communionis ſuæ conuenticulo, magna & ſpecialis ac planè perſonalis quædā ſit Dei gratia, adeò vt ſinè vllo labore, ſinè vllo ſtudio, ſinè vlla induſtria, etiā ſi nec petant, nec quærant, nec pulſent, quicumque illi ad numerum ſuum pertinent, tamen ità diuinitùs diſpenſentur, vt angelicis cuncti manibus, id eſt, angelica protectione ſeruati, nunquàm poſſint offendere ad lapidem pedē ſuum, id eſt, nunquàm ſcandalizari.

Iſthæc

Isthæc omnia iam ordinè recitata, memoratus Vincētius Lirinensis de hoc altero Christi aduersùs teterrimum satanam agone conscripsit. An non verò, tametsi ille de suorum temporum hæreticis loquitur, etiàm huius ætatis novos Euangelicos buccinatores cum primis lepidè, elegantèr, graphicè & ad viuum, vt plus satìs eos liceat agnoscere, vobis dilectissimi effinxisse, suisq; colorib<sup>9</sup> expressisse videtur? Omninò sic se res habet, charissimi. Nam si rem omnem accuratè pensiculemus, videmus malignum dæmonem per Apostolos suos, novos noui Euangelij præcones, nihil neq; maiori contentione, neque attentiori studio & assiduitate moliri, quàm vt persuadeatur hominibus, quò sese de-

Matt. 5.

orsum mittant: id est, vt abijciant doctrinam, constitutiones, ritus & mores vnicæ Christi Ecclesiæ Catholicæ, quam Dominus ipse vocat ciuitatem supra montem positam.

Id verò vbi improbo fatanæ, & membris eius ipsi addictis alicubi cedit ex animi sententia, vt Ecclesia eiusque doctrina & constitutiones euilescant apud homines, iam ille planè iubilat, certus victoria se potitum. At quandiu ab hac sublimi vniuersæ veræ & Catholicæ Ecclesiæ ciuitate non disceditur, etiàmsi hominem eiusmodi acriter & totis viribus oppugnet, nihil tamè apud illum obtinere potest, oppugnationes & machinationes eius omnes rediguntur in nihilum, suoque conatu frustratur. Porro simulatque  
quis

quispiam sese deorsum mittit, atq;  
 ab hac ciuitate desciscit, & vel pedē  
 vnum extra hoc septum profert,  
 ab hoc ouili deflectit, ab hoc com-  
 muni grege se segregat, iam è ve-  
 stigio lupo in eius guttur inuadit,  
 eumque planè discerpit.

Itaque magnoperè eam in cu-  
 ram & cogitationem incumbit fa-  
 tan, nec quicquam omninò inten-  
 tatum relinquit, vt eò permoueat  
 & adducat miseros, quò se deor-  
 sum mittant, vt à Catholicę Eccle-  
 siæ doctrina, legibus, & bonis ac  
 laude dignis constitutionibus dis-  
 cedant, eas paruipendant vel du-  
 cant pro nihilo, vt quilibet suas  
 priuatas actiones, priuatas opinio-  
 nes & sensum proprium, vel etiàm  
 cuiuspiam alterius priuatam sen-  
 tentiam

tentiam & opinionem pluris faciat, quàm totius Catholicæ Ecclesiæ sensum & concordem atque consonam sententiam, cùm tamē huicipsi Ecclesiæ Christus Dominus toties Spiritum sanctum, spiritum veritatis pollicitus sit.

*Ioan. 15. 15.*

*Exech. 20.*

*Matt. 15.*

Vt autem conatus iste maligni demonis expeditiores & efficaciores habeat successus, non desunt illi scripta diuina, quibus miseros ad defectionē sollicitet & permoueat. Ait nanque: Scriptum est em̃: In præceptis patrum vestrorū nolite incedere, nec iudicia eorum custodiatis. Et rursus, Scriptum est enim, inquit: Sinè causa me colūt, docentes doctrinas & mandata hominum. Atquē ubi suo potitus voto satan, id efficere potest, homini ut persuadeat, ut vel in vno aliquo  
arti.

articulo sese deorsum mittat, iam planè istiusmodi hominem in suam ditionem redegit, atque nullo negotio eum continentèr in deteriora propellit, ità vt in dies magis ac magis sese deorsum mittat, atque alia post alia nullius pènsi habeat, quæ ab Ecclesia seruantur & in vsu habètur: neq; porrò vlla potest tam insolens & exotica extare doctrina, quam nō ceu euangeliū ipsum & Dei verbū amplectatur.

Hanc igitur ob causam teterrimus diabolus per suos fidissimos ministros tam continentèr, tam sedulò, tam accuratè dat operam, vt hominib<sup>9</sup> persuadeat, deorsum vt se mittant, vt totius orbis Christiani sensum & consensum ducant pro nihilo, sed Ecclesiasticis constitutionibus & decretis post-

e 5      habitis,



habitis, quod cum illis pugnet è diametro, id faciant. Atq; vt rem omnem in pauca conferam, hoc illius. studium, hic machinationū & laborum illius omnium vnicus scopus est, vt homines mittant se deorsum: hoc est, vt ab Ecclesia Catholica se segregent, vt lubentibus & iucūdis animis contra Ecclesiasticas sanctiones & decreta veniāt & agant, & si quid ab Ecclesia constitutum & ordinatum est, ipsi in Ecclesiæ contemptum & Ecclesiæ insultando prorsus contrarium faciant. Atque hoc vnum & solum est, dilectissimi, non planè aliud quiddam, quod satanas aucupatur & spectat.

Nè quis verò putet, me isthuc animi quadam impotentia & sectarum odio dicere, libet vnū atq;  
 alter

alterum exempli causa adducere.

Quandoquidem Catholica Christi Ecclesia, nostræ salutis sollicita, non paucis sanè, iisdemque gra-

uibus, vrgentibus, & æquissimis <sup>Sacramentum altaris sub vna specie.</sup>

causis permota, laicis corporis & sanguinis Christi Sacramentum sub altera tantum specie porrigere solet, noui isti Euangelici prædicantes tantum vt Ecclesiasticæ constitutioni sese opponant, vtranq; postulant & vrgent speciem: aiuntq; si quis aliter quàm sub vtraq; specie accipiat Eucharistiã, eum non rectè facere: porrò autem si Concilium aliquod censeat, Eucharistiã sub vtraque specie ministrandam laicis, in illius concilij contemptum dicunt vel vna duntaxat, vel neutra se vti velle. Et nè cui videar esse nimis, Lutherum ipsum, quid hinc

senses.

fenferit & fcripferit in libello de  
formula Miffæ, loquentem agè au-  
diamus:

*Luterus libr.  
De formula  
Miffæ.*

Si quo cafu, inquit, Concilium  
decerneret ac ftatueret, vtranq; Sa-  
cramenti fpeciem vſquequaquè &  
porrigi & accipi debere, iam tum  
nos vtranq; fpeciem ſumere nol-  
lemus: immò verò tum demùm in  
contemptum eius Concilij, eique  
inſultando, vel alteram duntaxat,  
vel neutrã fpeciem percipere vel-  
lemus, at minimè gentium vtran-  
que: atque adeò illos quoquè non  
alio quàm Excoìmmunicatorum  
loco haberemus, qui ex Concilij  
decreto vtranque fpeciem vſurpa-  
rent. Hactenùs Luterus.

An non autem chariffimi, ex hac  
eius viri oratione animaduerti-  
tis, malignum dæmonem hac de  
ſpe.

speciebus disputatione, re ipsa nihil spectare, nihil venari aliud, nisi vt nos mittamus deorsùm? vt ab totius Catholicæ Ecclesiæ more & vsu recedamus? reuerà nanq; non id curæ est hosti teterrimo, num sub altera vel vtraque specie sumatur Eucharistia: nouit ille isthuc salutis nihil quicquam neq; conferre, neque demere, siue calicem sumat laicis, siue non sumat: nouit ille postremo concilio Basileensi de altera specie rectè ac benè definitū esse, & siue sub vna specie, vt illic habet, siue sub duplici quis communice, secundū ordinationē seu obseruantiam Ecclesiæ, proficere dignè communicantibus ad salutem, vbì diligentè præpararint & repurgârint prius conscientiam suam. Isthuc, inquam, optimè nouit

*Conciliū Basileen. Sess. 30.*

nouit hostis tartareus, nec eum malè habet, quòd Christiani saluberrimum hoc Sacramentum sub altera tantùm specie percipiunt, nec appetit vtranq; ab illis speciem sumi: sed id vnum pessimè habet nequissimum hostem, quòd præcelsum illud Sacramentum vbiquè vno ritu & eodem modo in Catholicæ Christi Ecclesiæ vnitæ & concordia accipitur. Hoc est quod ille ferre nullo modo potest. Scit enim sacramentum sanctissimum nihil neque prodesse neque conferre posse, nisi hoc pacto percipiat. Itaq; tanto perè ille remis velisque eò contendit, vt decretum, constitutio & cōsuetudo vel mos Ecclesiæ minimè feruentur. Atq; vt summatim dicam, est ille & dicitur satan, id est, aduersarius, talisq; haud

haud dubiè permanfurus eft, nem-  
pè Chrifti capitis nòftri, & Eccle-  
fiæ, corporis eius aduerfarius: quic-  
quid Ecclefia ftatuit, decernit, ob-  
feruat, fempèr ille diuerfum vrget  
& expetit. Si Euchariftia fub vna  
porrigatur fpecie, ille vtranque re-  
pofcit: fi vtraque miniftretur fpe-  
cies, aut alteram ille depofcit, vel  
neutram prorsùs.

Eundem in modum fefe gerit <sup>Ieiuniū Qua-</sup>  
erga ieiuniū <sup>dragefime</sup> Quadragefimæ. Nos <sup>apud Catho-</sup>  
quidem, qui ex Dei gratia Chrifti- <sup>licos.</sup>  
ani catholici & fumus & dicimur,  
morem hunc laudatiffimum ab  
amantiffimis maioribus nòftris ac-  
cepimus & didicimus, vt vbi tem-  
pus illud aduentat, quo perpeffio  
& mors Chrifti, qua redempti fu-  
mus, commemorari folet, diebus  
quadraginta antè precibus, ieiui-  
nijs,

nijs, atq; alijs pijs operibus & studijs ad eiusmodi commemorationem nos præparemus, aptosque & idoneos nos reddamus. Est enim hoc per se æquissimū, ut qui Christo socij esse volumus consolationis illius, qua fruituri sumus, ubi cum illo resurrexerimus & in cælos ascenderimus, simus etiā passionum socij. Vt enim Apostolus ait, si commortui sumus, & conuiuemus: si sustinemus, & conregnabimus: si cōpatimur, & conglorificabimur. Nam, ut alibi scriptū est, Christum oportuit pati, & ita intrare in gloriam suam. Porro is rectè dicitur vnà cum Christo pati & mori, qui desijt à peccatis, ut iam non desiderijs hominum, sed voluntate Dei quod reliquum est in carne viuat temporis. Id verò quò  
 minùs

2. Corint. 1.

2. Tim. 2.

Roman. 8.

Luc. 24.

1. Petr. 4.

minùs præstare possit, perpetuò  
 homini sua caro impedimēto est, *Galat. 5.*  
 quæ acriter concupiscit aduersùs  
 spiritum, ità vt, quemadmodùm  
 Apostolus ipse conqueritur, non *Roman. 7.*  
 quæcunq; volumus, illa faciamus:  
 Est igitur sub iugum mittenda &  
 edomanda caro, idque abstinencia  
 & sobrietate, vt cum vitijs & con-  
 cupiscentijs suis tanto possit faci-  
 liùs crucifigi. Nam quemadmo-  
 dùm effræni & indornito equo,  
 aduersùs sessorem suum contuma-  
 ci & frænum ore depellenti, detra-  
 hitur de pabulo, & pro auena, vel  
 stipula vel parùm scæni apponitur:  
 ità etiàm carni nostræ, quæ virtute  
 internorum spirituum & sangui-  
 nis, atque etiàm ratione succi na-  
 turâlis in corpore abundantis spi-  
 ritui resistit, annona subtrahenda  
 f est,



est, & pro solita alimonia alius ci-  
bus apponendus, vt hoc pacto co-  
ercita, menti & rationi ceu fessori  
suo, tanto minùs recalcitret: corpo

1. Corint. 9.

reque hunc in modum castigato,  
& in seruitutem redacto, animus  
hominis tanto plus obtineat viri-  
um, diuinisque laudibus constan-  
tiùs vacare, & voluntati dei prom-  
ptiùs obtemperare queat. Enim-  
uerò, vt partim etiàm Apostolus  
ipse testatur, non est id quidem du-  
bium, dum exterior homo noster

2. Cor. 4.

deficit & corrumpitur, eum qui in-  
tùs est, id est, hominem interiorē  
de die in diem magis ac magis re-  
nouari: quantoque exterior nostrī  
portio, nempè corpus, quotidianis  
laboribus & ieiunijs impēsiùs cō-  
primitur & frænatur, tanto por-  
tionem internam, eamque po-  
tiores;

tiorem, putà animam, ex carnis, molestissimi hostis sui, defectione in seipsa augescere, valentio remq; & expeditiorem reddi ad vacandū Deo rebusque diuinis, Dei q; voluntatem exequendam.

Hac ratione, charissimi, adducta Ecclesia catholica, fidissima parens nostra, Quadragesimæ ieiunium instituit, vt à vitijs carnalib⁹, quibus alioquì perpetim distinemur ac infestamur, liberati, promptioribus animis commemorandis beneficijs, quæ Dei filius Christus Iesus sua sacrosancta passione & morte in nos declarauit, vacare & inhærere possimus. Num verò isthuc bonum esse quisquam negare potest? An non planè Evangelicum, pium, laude dignum atq; frugiferum est? Et interim tamen,

noui isti Euangelici Prædicantes  
 ieiunium hoc irrident, reijciunt,  
 contemnūt? At quam tandē ob  
 causam? Non sanē aliam vllam, ni-  
 si vt homines, qui tamen ex natu-  
 ra & sua sponte ad carniū esum  
 inhiant, hoc ipso eò adducant, vt  
 se præcipientes deorsū mittāt: hoc  
 est, vt ab aliorum Christianorum,  
 toto orbe terrarū degentium mo-  
 re & cōsuetudine hac in re discre-  
 pent. Hoc solū, inquam, nec quic-  
 quam aliud hac re satanici pphete  
 moliuntur. Quod vt nullam pror-  
 sū apud vos dubitationem habe-  
 at, ipsius Lutēri verba commemo-  
 rare visum est; quæ in altera parte  
 scripti eius aduersū cælestes pro-  
 phetas de Sacramēto hunc in mo-  
 dum habentur: Cū interdicitur  
 tibi, inquit, esu carniū die piscu-  
 lento,

*Luter. parte  
 altera aduer-  
 sus cælestes  
 prophetas de  
 Sacramento.*

lento, iam tu debes vesci carnibus: cum præcipitur vt die qua carnes edere licet, edas, iam nõ debes edere: Cùm coniugio iuberis abstinere, coniugium inire debes, aut certe ita te comparare, tanquàm id lubens facere velis, atque ita in reliquis. Quæso hîc dilectissimi, ex ipsius adeò Luteri verbis & testimonio cognoscite, quidnam spectet noui isti Euangelistæ, cum aduersus Christianorû Quadragesimale ieiunium buccis crepantibus concionantur. Nihil sanè aliud illi aucupatur, quàm quod malignus demon in capite nostro Christo Seruatore in Euangelio hodierno venatus legitur: nèpè vt nos per præceptum mittamus deorsum, id est, ab Ecclesia Dei separemus. Atque vt isthuc citiùs & faciliùs impetrent,

perindè illi aiunt nobis, vt satan ad Christum: Scriptum est enim in hodierno Euangelio, Christum pro nobis ieiunasse, itaque non debere nos frustra ieiunijs nos affligere, quādò prorsus impossibile est, vt Christi ieiunium imitemur.

*Matth. 17.*

*Act. 15.*

*Matth. 15.*

Scriptum quoquè est, atq; adeò Christus Iesus, qui ipsa veritas est, dixit, filios (Dei) liberos esse. Quid igitur necesse est, vt ieiunando, & id genus alia faciendo, rursùm vltro iugum ceruicibus nostris imponamus, à quo per Christum iam pridem liberati sumus?

Scriptum est, Non quod intrat in os, coinquinat hominem: sed quod procedit ex ore, coinquinat hominem. Cur ergò illis nolimus cibis vesci, qui per se boni & mundi sunt?

Rur.

Rursùs scriptum est: Nunquid <sup>Matt. 9.</sup> possunt filij sponsi lugere, quando cum illis est sponsus? Et apud Apostolum disertis verbis scriptum <sup>1. Tim. 4.</sup> legimus, doctrinam esse dæmoniorum, prohibere à cibis &c.

Immò verò nō sat illi habēt perpetim vociferari, scriptum est, scriptum est enim: sed vt improbissimus satan in huius diei Euangelio dixit Seruatori, vt è pinnaculo tēpli se deorsum mitteret, scriptum est enim, inquiēs, quia angelis suis mandauit de te, & in manibus tolerant te: ità planè etiā noui Euangelistæ faciunt, dum hominibus persuadere nituntur, vt è templo præcipites se demittant, hoc est, ab Ecclesia Catholica se segregent: ubi tum illi sanè miseris persuadēt, modò quis ipsorum nupèr confi-

etiam fidem amplectatur & habeat, etiam si non modò nullum is egerit opus bonum, sed etià flagitijs & sceleribus omnibus planè coopertus sit, at nihilo minùs certum cum esse atq; securum, diuinæ gratiæ participem se esse: immò verò euenturum ipsi, vt angeli veniant, & suis eum manibus ferant, atque in cælos vsq; subuehant, vt nè vlla in re, licet minima, pedes suos offendat: vt iubet nos certò statuere hæc vox, Beati mortui, qui in Domino moriuntur. Quam illi sententiam ad omnes illos accommodare solent, qui in ipsorum fidei confessiõe mortui sint, qualesquales demùm illi moribus & vita fuerint.

*Apo. 14.*

At qui ô bone Deus, nihil isthuc aliud est, quàm quædam teterrimi  
satanæ

satanæ tentatio: neque debent orthodoxi Christianica esse leuitate animi, vt confestim recipiât, quicquid aliquis noui dogmatis proferat, & sub splendido sacrosancti Euangelij nomine ac titulo venditat, nè quandoquæ etiâ nobis dicatur, quod Apostolus Galatis scripsit, Miror quòd sic tam citò *Galat. 1.* transferimini ab eo, qui vos vocauit in gratiâ Christi, in aliud Euangelium: quod non est aliud, nisi sunt aliqui, qui vos conturbant, & volunt cõuertere Euangelium Christi.

Reuerà enim, dilectissimi, non semper Euangelium est, quod pro Euangelio obtenditur: non semper est verbum Dei, quod hoc titulo plerique venditant. Vt igitur Christus Dominus in hodierno Euangelio, cùm malignus demon



Deuter. 6.

scripturarum testimonio illum in suam sententiam pertrahere vellet, ut à templi pinnaculo sese deorsum mitteret, eidem hoc respōsum dedit: Scriptum est, Non tentabis Dominum Deum tuum: ita & nos facere debemus, quando ille tortuosus serpens per suos prædicantes à nobis exigit, ut à templo præcípites nos mittamus, id est, ab Catholica Ecclesia in vno aliquo vel pluribus articulis nos abiungamus. Tum enim id solùm cogitabimus, fieri isthuc ob nostræ tentationem & explorationem, num agnitæ veritati Euangelicæ, quæ non nisi in Catholica Ecclesia, nec vspiam omninò alibi docetur, constantes adhærere velimus, nec ne. Itaque quod Christus in huius diei Euangelio deterrimo fata

fatanae, id nos eius nuncijs, impro-  
bis concionatoribus dicemus: Scri-  
ptum quidem est, quemadmodum  
vos dicitis, & eadem verba in diui-  
nis literis inuenio: sed longè diuer-  
so sensu, longè alia sententia & in-  
tellectu, quàm à vobis adferatur.

Scriptum quidem non abnuo,  
immò verò etià hodiernū euan-  
gelium disertis habet verbis, Chri-  
stum cōtinuis quadraginta diebus *Christi ieiunium.*  
& noctibus ieiunasse: sed quæso te,  
num indè confici potest, nos ieiu-  
nare ne utiquàm debere? mihi qui-  
dem nullam antehàc vnquàm con-  
tigit eiusmodi audire consequen-  
tiam. Quòd si id genus argumēta,  
ratiocinatiōes & illationes pōdus  
habere debeant, possit itidē quis-  
piam dicere, Christum pro nobis  
precatum esse, & vt Paulus testa-  
tur,

*Hebr. 5.**3. Petr. 5.*

tur, exauditum pro suâ reuerentia, itaque nobis iam precandum non esse: Christum pro nobis passum esse, iam ergò nos pati non debere: Christum pro nobis legem impleuisse, nos igitur ꝑ viribus operam dare non debere, vt vitam nostram conuenienter legi & præceptis Dominicis exigamus. Deniq;, Christum fecisse omnia, eapropter nihil nobis porro faciendum esse. Verum quisquis nõ omnino mente captus est, probè animaduertit absurda esse istiusmodi argumēta: immò potius diuersam sententiã citius indè colligi posse, quòd cùm Christus talia fecerit, nos quoque similiter facere debeamus: quemadmodum Christ⁹ ipse dùm discipulorum ablueret pedes, argumētatus est, ita inquiring: Exemplum dedi

dedi vobis, vt quẽadmodũ ego <sup>Ioann. 13.</sup>  
feci vobis, ita & vos faciatis.

Scriptum est etiã, Christianos <sup>Galat. 4. s.</sup>  
esse liberos & in libertatem voca-  
tos: at verò propterea iam liberum  
illis esse facere quicquid collibitũ  
sit, leges & decreta omnia flocci-  
pendere, mores omnes & ritus lau-  
dabiles, bonamque politiam pro-  
culcare: id profectò indè nullo pa-  
cto confici potest: & quisquis ita se  
comparat, is necdũ, quid sit li-  
bertas Christiana, cognouit: quip- <sup>Christiana li-  
bertas.</sup>  
pe quæ non tam in rebus externis,  
quàm in spiritu sita sit. Et est qui-  
dem Christianus sibi ipsi liber, at tã-  
mẽ ex amore se ipsum, instar Apo-  
stoli, seruum omniũ facit: nec lex <sup>I. Cor. 9.</sup>  
posita vel necessaria est homini  
germanè Christiano, quæ ipsum <sup>I. Timot. I.</sup>  
compellat, sed interim tamen le-  
ges

ges omnes spontè & ex charitate  
 obseruat. Atque hæc breuiter scri-  
 pturæ diuinæ mens est & senten-  
 tia, vbi ea de Christiana libertate  
 agit. Atque hunc in modum de il-  
 la etiàm Christus ipse loquitur,  
 dùm ait: Ergò liberi sunt filij. Vt au-  
 tem non scandalizemus eos, da eis  
 statêrem pro me & te.

*Matt. 17.*

*Matt. 15.*

Scriptum quidem est, non quod  
 intrat in os, coinquinat hominem  
 & cæt. sed non eo intellectu, non  
 ea sententia, quòd iam homines  
 quouis tempore indiscriminatim  
 quibuslibet escis vti debeant. Nam  
 tametsi esca per se immunda non  
 est, tametsi innoxia & bona est: nā  
 vt Apostolus ait, omnis creatura  
 Dei bona est, & nihil reiiciendū,  
 quod cum gratiarum actione per-  
 cipitur: at nihilo minùs in ipsa su-  
 menda

*Esca munda.*

*1. Tim. 4.*

menda esca peccatum utique ad-  
 mitti potest, si vel secùs, quàm est  
 diuinitùs instituta, id est, intempe-  
 ranter contra Seruatoris doctrinã,  
 dicentis, Attendite vobis, nè fortè *Luc. 21.*  
 grauentur corda vestra in crapula  
 & ebrietate: vel eo tēpore, quo cer-  
 tas ob causas eius vsus interdictus  
 est, percipiatur. Ità nimirum Deus  
 primis parentibus nostris Adamo *Gen. 2.*  
 & Euæ interdixit, nè de ligno sci-  
 entiaē boni & mali comederent,  
 Itemque plerasque alias in veteri  
 Instrumēto vetat escas, non quòd *Leuit. 3. 11. 14. 17. 19. 22.*  
 per se vel malæ, vel noxiæ forent,  
 sed peculiaris cuiusdam vel signifi- *Gen. 9.*  
 cationis vel mysterij causa. Sic etiã  
 Ecclesia Dei, mater omnium cre-  
 dentium, pro ratione & conditio- *Abstinencia à*  
 ne temporũ cibos quosdam pro- *carnibus sta-*  
 hibet, quò petulãtem carnem no- *tis tempora-*  
 stram *bns.*

fram castigemus ac edomemus:  
 non quòd carnes, vel esus carniũ  
 per se malus vel improbus sit, sed  
 certis de causis, à me partim iam su-  
 prà cõmemoratis. D. Augustinus,  
 quem Luterus ipse (in Scripto illo  
 suo cõsolatorio pro fœminis, qui-  
 bus incommodè cessit puerperiũ).  
 Doctorum omnium principem  
 vocat, & cui parẽ iam indè ab Apo-  
 stolis Ecclesia Dei non habuerit,  
 hunc ipsum in modum indè scri-  
 ptum reliquit: Christiani, inquit,  
 Catholici edomandi corporis cau-  
 sa, propter animam ab irrationali-  
 bus motibus ampliùs humiliandã,  
 non quòd illa esse immunda cre-  
 dant, nõ solùm à carnibus, verùm  
 à quibusdam etiã terrẽ fructibus  
 abstinent, &c.

*Contra Faus-  
 sum lib. 39.  
 cap. 5.*

Itaque in Papatu nunquàm ea  
 per-

persuasio hominum animos obtinuit, quòd esus carniū per se improbus sit, quòd carnes immundæ sint, quòd hominem coinquinent: sed quandò Ecclesiæ Dei ob alias quasdam non parui momenti & ponderis causas rationi consentaneum visum fuit, à carnibus certis anni temporibus abstinere, in istis carniuorīs non nisi inobedientia, scissura, segregatio, & proterua rebellio repræhensa & castigata est, quòd ij tam procacitè & audactè legitimo Magistratui sese opponere, ab toto Christianorum cœtu se segregare, & absque causis necessarijs res novas moliri non dubitârunt. Sed nè quis fortè putet nos rebus hisce modò fucum facere, atquì apud veteres Papistas rem longè alitè habuisse: inspiciat Cō-

g      cilium



*Concil. Ancyran.  
cap. 14.*

cilium Ancyranū, quod ipso quo-  
quē Niceno vetustius est, habitum  
à nato Seruatore Anno 308. vbi  
isthæc verba expressè legūtur: Qui  
à carnibus abstinent, non eas tan-  
quàm immūdas contemnāt. Con-  
sulat item Toletanum Concilium  
primum, aduersùs hæreticum Pri-  
scillianum, qui carnes ceu immū-  
das reiecit, celebratum, vbi hunc  
*Cap. 21.* in modum habetur: Si quis dixerit  
vel crediderit carnes auium seu pe-  
cudum, quæ ad escam datæ sunt,  
non tantum pro castigatione ho-  
minum abstinentas, sed execran-  
das esse, anathema sit. Haud dissi-  
militer non modò sacra Concilia  
om̃ia tū recētia, tum iā olīm habita,  
semper definiērunt atq; statuerūt,  
verumetiam sancti & pij Catholi-  
cæ Ecclesiæ Patres omnes, D. Ber-  
nar-

nardus, qui ante quadringentos vixit & scripsit annos, itemq; scho lastici Doctores omnes, Thomas de Aquino, Albertus Magnus, Bonaventura, Gabriel Biel, & eorum sectatores ac discipuli senserūt, docuerunt, scriptoque prodiderunt, vt nè quis existimet carnes ceu imundas in Papatu vetitas & reiectas: aut eiusmodi doctrinam traditam, quòd carnes edere, per se malum ac nefas sit. Longè enim secùs sese habet rei veritas, vt iam dictum est.

Scriptum prætèreà quis nesciat, Christum ipsum discipulos suos, quòd non ieiunarent, defendisse aduersùm Pharisæos, atq; dixisse, Luc. 5. Nunquid potestis filios sponsi, dum cum illis est sponsus, facere ieiunare? Atquì eodem loco mox

*Ieiunium die  
scipulorum  
Christi.*

fubiungit Dominus: Venient autem dies, & cùm ablatuſ fuerit ab illis ſponſus, tunc ieiunabunt in illis diebus. Quod quidem illos feciſſe conſtat poſt Chriſti in cæloſ aſcenſionem, atque etiã Chriſtianos omnes ad ieiunia adhortatoſ eſſe. Itaque in Actis Apoſtolicis legimus: Miniſtrantibus autem illis Domino, & ieiunantibus, dixit illis Spirituſ ſanctuſ &c. Et ruruſ: Cùm cõſtituiſſent illis per ſingulas Eccleſias preſbyteroſ, & orãſſent cum ieiunijs, commendaerunt eoſ Domino.

*1. Timoth. 4.  
Interdictio  
quorundã ci-  
viorum.*

Itã nihilo minùſ ſcriptum eſt quidem in Epiſtola Apoſtoli, doctrinaſ eſſe dæmoniorum vetare cibos: at tamen, quemadmodum tum D. Auguſtinuſ, tum alij omneſ Eccleſiaſtica Doctoreſ interpretatur,

*Auguſt. contra  
Adimantem  
cap. 14.*

tur, hos propriè designat Aposto-  
 lus, qui non propterea temperant  
 à talibus cibis, vt aut concupiscen-  
 tiam suam refrænent, aut infirmi-  
 tati alterius parcant: sed quia ipsas  
 carnes immúdas putant, & earum  
 creatorem Deum esse negant. NOS  
 autem, inquit, teneamus Aposto-  
 licam disciplinam dicentem, quòd  
 omnia munda mundis, seruata mo-  
 deratione Euangelica, vt non gra-  
 uentur corda nostra cruditate &  
 vinolentia. Hæc Augustinus.

Tit. 1.

Luc. 21.

Cùm igitur Pontificij vel Papi-  
 stæ, id est, veri, antiqui, Euangelici  
 atque Catholici Christiani, nō nisi  
 bonum quendam & congruum  
 modum atque ordinem institue-  
 rint cibis legitimè vtendi, neq; ta-  
 men in hoc ciborum discrimine  
 vlla ex parte suam fidutiam collo-  
 g 3 cārint,

cârint, aut illi immoderatiùs innixi sint, sed prorsùs ad Deum & ad spiritum retulerint & accommodârint: neq; hac quorunlibet temporum abstinentia quicquam spectârint aliud, nisi vt tempus ab labore ipsis vacuum diuinorum meditationi beneficiorum attribuerent, atque edomanda & humilianda carne sua, ubi ea rationi subdita esset, se ipsos humiliores & promptiores redderent ad eadem Dei beneficia accuratiùs perscrutanda: cum hæc, inquam, Catholici nunquàm non hac temperantia & abstinentia non à carnibus duntaxat, sed ab alijs etiam cibis & portionibus (vti nec satanas ipse cum toto grege suo, etiamsi longè ille ferociùs agat, vnquàm negare potest) spectârint, non possunt sanè  
 alle

allegata Apostoli verba ad Catholicos vlla ratione referri: maximè quandò idem ipse alibì dicit, Bonū <sup>Roman. 14.</sup> est non manducare carnē. Verūm Apostolus Sanctispiritūs actus instinctu, his verbis prædixit de hæreticis Tatianis, Marcionitis, Cataphrygibus, Adamitis, Manichæis, Eustachianis, Priscillianistis, qui posteris temporibus exorti, coniugium, carnes & plerasq; alias escas, tanquàm per se immundas, condemnârunt.

At Catholici nihil eiusmodi vnquàm attentârunt, sed perpetuis temporibus coniugium non modò bonum & sanctum existimârunt, vtpotè ab ipso præpotente Deo in Paradiso institutum, & ab <sup>Gen. 2.</sup> Christo Domino in Cana Galileę <sup>Ioan. 2.</sup> ipsius sanctissima præsentia coho-

*Ephes. 5.**Hebr. 13.**1. Cor. 7.*

nestatum & confirmatū: sed etiā  
iuxta Pauli doctrinam, magni Sa-  
cramenti loco habuerunt, de quo  
idem Apostolus alibi dicit, Hono-  
rabile connubium & torus imma-  
culatus. Verum enim uerò semper  
ijdem ipsi Catholici virginitatem  
& cælibatum matrimonio prætu-  
lerunt, longèque maioris gradus  
& dignitatis esse censuerūt. Quòd  
si quæras, qua id illi autoritate vel  
ratione freti fecerint, audi aposto-  
lum ipsum, illud vas electionis in-  
dè loquentem: Qui matrimonio,  
ait, iungit virginem suam, benè fa-  
cit: & qui non iungit, meliùs facit.  
Eundem in modum Papistæ (sic  
enim isti desertores & apostatæ  
eos nominare solent) nullum cibū  
contempserunt, nullum respue-  
runt, nullum ceu immundum re-  
iecerunt:

iecerunt: sed conuenienter doctrinæ Apostolicæ, omnem Dei creaturam bonam esse arbitrati sunt. *1. Timot. 4.*  
 In ipso enim mundi exordio cùm cuncta Deus condidisset, vidit ea omnia, & erant valdè bona, quemadmodum diuinis est literis annotatum. *Genes. 1.* At nihilo minùs abstinentiam, parsimoniam, temperantiã, modò tamen in Domino fiat, iuxta Pauli doctrinã, Qui non manducat, Domino non manducat, *Roman. 14.* sublimiori ac præstãtiori loco collocârunt: idq; ab ipso Christo edocti, qui tametsi non adeò expressa oratione, at certè innocentissimæ atque sanctissimæ vitæ suæ exemplo satis superq; significauit, multò tum sibi gratius & acceptius, tũ hominis salutis conducibilius, corpus perpetua potiùs castigatione



coërcere, quàm superfluo carniũ  
 esu & vini potatione eius petulan-  
 tiam magis magisque fouere.

Non id latuit sacratissimũ Chri-  
 sti Baptistam Iohannem: itaq; tam  
 ásperam & rigidam ille vitam du-  
 cere voluit,perpetuis ieiunijs cor-  
 pus suum macerans: vtì non tan-  
 tùm à Christo Domino, totius  
 mundi Salvatore, tam insigne &  
 præclarum obtineret testimoniũ,  
 quòd inter natos mulierum non  
 surrexerit maior Iohanne Bapti-  
 sta: qui, vt eodem loco ait Domi-  
 nus, venit neque manducans neq;  
 bibens: verum etiam vt cum illo,  
 cuius hìc fuisset p̃cursor, in om̃em  
 æternitatem in cælis regnare pos-  
 set: Cùm è diuerso nihil certius sit,  
 quàm carnes edere, & id genº alia  
 facere, non nisi papistis insultandi  
 ani.

*Matt. 11.*

animo, (quæadmodum noui euangelij praxis habet) nō solūm nihil conferre ad obtinendam cælestis patriæ beatitudinem, dicente apostolo, Non est enim regnum Dei <sup>Rom. 14.</sup> esca & potus: sed etiam non mediocriter reformidandum esse, eiusmodi procacium belluonū quandoquē ingluuiem desituram, ubi in eis completa fuerit ea Seruatoris sententia: Væ vobis diuitibus, <sup>Luc. 6.</sup> qui habetis consolationem vestrā: Væ vobis qui saturati estis, quia esurietis: quod quidem Væ, id est, æternam damnationem, à nobis omnibus præpotens Deus propitius auertat.

Ex his igitur alijsque iam allatis exemplis id vos colligite dilectissimi, non confestim verbū Dei esse, ubi ex scriptis diuinis aliqua adfertur

tur

*Adversus Lasci-  
ferianos.*

tur sententia. Vt enim D. Hieronymus ait, scripturæ non in legendo, sed in intelligendo consistunt. Itaque licet verba ipsa non secus, quàm vt in textu habentur, adducantur, at tamen potest in ijs ipsis dogma pestiferum & hæresis latere: non quidem ratione verborum ipsorum, sed causa expositionis, sensus, mentis, & intelligentiæ non sanæ.

*Sacra scriptura, vestes  
vint.*

Atque si vultis charissimi de tota causa summam & compendiosè institui, ipsa adeò scriptura diuina veteris ac noui Testamenti, ea cuius vestis est, qua pseudoprophetas & lupos rapaces se tegere ait Dominus, nè possint agnosci: hoc est, scripturis & citatis ex veteri ac nouo Instrumento sententijs perniciosæ & fallaci doctrine sue eiusmodi

*Matt. 7.*

modi conciliare auctoritatem, ut nullum vnquam quisquam possit tam impium & execrandum confingere dogma, quin mox suū inueniat sectatores, modò dicere queat: Scriptum est enim illo atq; illo loco: Paulus ità docuit: Hoc pacto, neque secus in scriptis Apostolicis videre licet.

Certè reuerà non potest quispiā pseudopropheta doctrinæ suæ plausibiliorem conciliare speciem, neque faciliùs hominibus persuadere, ut ipsi fidem commodent, nisi ut eò illos adducat, ut putet ipsius doctrinam esse Christi doctrinam, esse Euāgelio, propheticiq; & Apostolicis scripturis consentaneam. Ea planè est egregia vestis ouina, sub qua liceat lupo delitescere, taliq; schemate & prætextu  
non

non difficilè possint homines in fraudem impelli.

Ità nimirùm hanc ouillam vestem, de qua Christus loquitur, ante annos mille ducentos is, cuius suprà mentionem habuimus, præstanti doctrina & pietate Vincenzius Lirinenfis accepit & interpretatus est: idemq; inter alia expressè dicit: Utuntur planè hæretici scripturæ diuinæ sententijs, & vehementer quidem. Siue enim apud suos, siue alienos, siue priuatim, siue publicè, siue in sermonibus, siue in libris, siue in conuiujs, siue in plateis, nihil vnquàm penè de suo proferunt, quod non etiam scripturæ verbis adūbrare conentur. Lege Pauli Samosatani opuscula, Priscilliani, Eunomij, Iouiniani, reliquarumq; pestium: cernas

nas infinitam exemplorum congeriem, propè nullam omitti paginam, quæ non noui aut veteris Testamenti sententijs fucata & colorata sit. Sed tanto magis cauendi & pertimescendi sunt, quanto occultius sub diuinæ legis umbraculis latitant. Sciunt enim fœtores suos nulli ferè citò esse placituros, si nudi & simplices exhalentur: atque idcirco eos cælestis eloquij velut quodam aromate adspargunt, vt ille qui humanum facile despiceret errorem, diuina non facile contemnat oracula. Itaque faciunt quod ij solent, qui paruulis austera quædam temperaturi pocula, prius ora melle circûlinunt, vt incauta ætas, cùm dulcedinem præsenferit, amaritudinem non reformidet. Hæc ille.

Horum

Horum verò exempla si petantur, inspiciatur primùm scriptura ipsa diuina, ac deindè vniuersus ecclesię decursus, ab ipsis adeò apostolis vsque in hanc nostram ætatem, & obuia passim erunt plurima. Nam quotiès aliquid tentatū est, quantunvis Deo, honestati & iustitiæ aduersum, semper scriptura sacra ad id accommodare sese debuit, & esse pellis ouina. Immo verò ipse teter cacodemon cū in hodierno Euangelio tentaret Dominum ac Seruatorem nostrum, eiq; persuadere niteretur, vt è pinaculo templi se deorsum mitteret, an nō scripturis vsus est, dicēs, Scriptum est enim, Quia Angelis suis mandauit de te, &c. Neq; tunc solū in eremo per seipsum scripturis adhibendis Dominum impugnavit:

pugnauit: sed postea etiam per ministros suos & seipsum conatus est improbissimus & versuta bestia scriptis diuinis docere, Christum non modò prophetam non esse, sed etiam mortis reum esse. Legimus in euangelio, cùm Iudæi Domini seruatoris sermones audiuis-  
sent, quosdam dixisse, Hic est verè *Iohan. 7.* propheta: alios verò, Hic est Christus: quosdam autem, Nunquid à Galilæa venit Christus? Nonne scriptura dicit, quia ex semine Dauid, & de Bethlehem castello, vbi erat Dauid, venit Christus? Nec tamen sat habebant, ex scripturis planum facere voluisse, eum ne-  
quàm esse prophetam, sed insupèr, vt apud eundem Euangelistam legimus, clamabant, dicentes: Nos *Iohan. 19.* legem habemus, & secundùm le-  
gem



gem debet mori, quia filium Dei se fecit.

Quis non ad tantum prodigiũ summè admiretur & obstupescat, quòd satellites teterrimi demonis, ausi sunt legem & prophetas aduersùm legis & prophetarum dominum & authorem allegare, atq; indè testatũ facere velle, non modò prophetam eum non esse, sed iure quoquè neci dare oportere?

Iam verò si Christo ipsi, cùm adhuc in terris degeret, istuc accidit, non à dæmone tantum, verum etiam ab hominibus, quid nobis expectandum est? Si nequissimus satan, scripturæ totius Dominum hoc pacto scripturis ipsis oppugnare non dubitavit: quidnam illius administri contra nos miseros vermiculos, qui Christi compara-  
tione

tione nihil sumus, non ausi erunt  
 attentare? Atque sanè hac ratione  
 etiam Apostolorum tempore cœ-  
 pit ille Christianos incessere & im-  
 pugnare, vtì Apostol⁹ ipse ad Co-  
 rinthios & Galatas conqueritur, 2. Corint. 11.  
 quosdam sub Euangelij prætextu Galat. 1.  
 sectas perditionis introduxisse. Vt  
 ergò etiam Apostolorum ætate  
 isthuc cœpit, ità deinceps per æta-  
 tes omnes ab hereticis & falsis do-  
 ctoribus omnibus idem factitatū  
 est, sitque in hodiernum vsque di-  
 em, quemadmodum sancti Patres  
 & Ecclesiæ doctores testantur. Quic-  
 quid tandè rarū & insolens qui-  
 spiā cōminiscitur, mox scripturis  
 ceu veste ouina vtitur, cogitq; eam  
 pestiferum dogma suum & tegere  
 & tueri, quantunvis malè quadret  
 ad rem ipsam. Videat hinc, qui vo-  
 let,

let, Origenem Homil. 31. in Lucā,  
 & Homil. 3. in Exodum, Tertullia-  
 num de præscriptionibus aduersus  
 hæreticos, Cyprianum de simp-  
 plicitate Prælatorum, Ambrosium  
 in cap. 3. ad Tit. Hieronymū con-  
 tra Luciferianos, Hilarium in libr.  
 ad Constantium, Athanasij orati-  
 onem 2. contra Arrianos, Chryso-  
 stomum in sermone aduersus hæ-  
 reticos, Tom. 3. Augustinum lib. 1.  
 contra Maximinum, & innume-  
 ris alijs locis.

*Arrius hære-  
 siarcha.*

Arrius hæresiarcha, vt de illo li-  
 teris proditum est, supra quadra-  
 ginta scriptorum diuinorum sen-  
 tentias habuit, quibus conabatur  
 satanicum suum dogma adstruere,  
 Christum non eiusdem cum patre  
 substantiæ esse: nec quicquam ille  
 iactabat aliud, nec discipuli eius  
 aliud

aliud crepabant, nisi scripturas scripturas, Euangelium Euangelium. Atquē nihil certius est, quā ut ille scripturis vsus est, non eas Dei, sed diaboli verbum fuisse.

Nouatus hæreticus itidē scri-<sup>Nouatus.</sup>  
pturis utebatur, citās illud ex Apo-<sup>Hebr. 6.</sup>  
stolo: Impossibile enim est, eos,  
qui semel sunt illuminati, gustauerunt etiam donum cæleste, & participes facti sunt Spiritūs sancti, & prolapsi sunt, rursus renouari ad pœnitentiam. Quæ verba si ab illo hac sententia ꝑlata essent, ut diceret his alterum Baptismum prohiberi, id quod dictio illa, Renouari, quod in Baptismo fit, satis indicat, quemadmodum ab Ambrosio & <sup>Ambros. li. 2. de pœnitent. cap. 2. Augustin. in Epist. ad Roman.</sup> Augustino obseruatū est, iam quidem Dei verba fuissent, nec Christianus ullus toto orbe terrarū con-

trà mutire ausus esset. At quandò ille verba hæc eò referre & interpretari voluit, tanquàm illis non Baptismi iteratio, sed pœnitentia in peccata prolapsis negata sit, iam tua fuêre verba deterrime satan, loquentis per nouatum hæreticum, non verò Dei. Ipse enim Spiritus sanctus, ex cuius instinctu tū hæc, tum alia omnia scripsit Apostolus, quiq; est summa & immensa bonitas, spem in nobis excitans, nunquàm isthæc verba hac voluit significatione accipi, quasi omnis nobis conciliationis spes præcisa sit, si in peccata à Baptismo relabamur.

*Anabaptistæ.* Ità sunt hodieque, qui recens natos infantes Baptismi Sacramēto priuant, ad quos sese plurimi ex omnibus Germaniæ regionibus &

& ditionibus adiungunt & confluunt. Sed quid tandèm illi faciunt? Qua illi ratione isthuc hominibus persuadere moliuntur? Qua tandèm alia, quàm qua illorum magister diabolus vsus est? vt hanc impiam suam doctrinam asserant, veste ouilla eam contegūt, dicentes: Scriptum est enim, qui crediderit, *Marc. ult.* & baptizatus fuerit, saluus erit. Et rursùs: Euntes docete omnes gentes, baptizantes eos &c. Quæ quidem verba si ea sentētia proferantur, quòd adulti, & qui legitimam ætatem attigerint, possintque ratione uti, cùm ad Baptismum veniunt, fidem secùm adferre debeant, vt sinè qua nemo deo placere queat: qui verò in ea ætate fide destitutus sit, eum saluum fieri non posse: iam planè Dei verba sunt, nosque *Hebr. 11.*

Roman. 10.

1. Timot. 2.

Hebr. 2.

Ioann. 3.

Matt. 19.

ea omni, qua par est, reuerētia amplectimur & exosculamur. At si his verbis infantes à Baptismo excludere velis, quòd fidem, quæ ex auditu est, non habeant: iam tua sunt verba improbissime satā, qui homini salutem inuides, & modis omnibus impedire conaris vbi-  
cunque potes: neutiquām autem Christi sunt. Nam qui vult omnes homines saluos fieri, qui p omni-  
bus gustauit mortem, qui sangui-  
nem suū equē pro paruulis atquē pro adultis fudit, nunquām illos à regno suo, in quod sinē Baptismo suo, vel baptismi voto nulli patet aditus, exclusit: quin potius cū adhuc in terris versaretur, paternā ac ppenfissimam erga illos voluntatem & beneuolentiam suam palām declarauit, cū diceret: Sinite paru-

paruulos, & nolite eos prohibere  
ad me venire: talium est enim re-  
gnum cælorum. Itemq;: Nisi con-<sup>Matt. 18</sup>  
uerſi fueritis, & efficiamini ſicut  
paruuli, non intrabitis in regnum  
cælorum.

Sunt etiam hac noſtra tempe-  
ſtate, qui auguſtiſſimum Miſſæ ſa-<sup>Miſſæ ſacrifici-  
cium.</sup>  
crificium, à Chriſto ipſo vero &  
vnico ſacerdote inſtitutum, reiſci-  
ant, & ceu immanem abominatio-  
nem & Dei blaſphemiam atque  
contumeliam in toto orbe procla-  
mare non dubitent: cùm tamẽ Ca-  
tholica Eccleſia in illo nihil gerat  
vel agat aliud, quàm quòd ex Chri-  
ſti Domini ſui mandato, eius cor-  
pus & ſanguinem, ſub panis & vi-  
ni ſpecie, Deo patri cæleſti ſiſtit &  
offert, idque in commemorationẽ  
efficaciſſimi illius ac ſalutaris in  
h 5 cruce



cruce litati sacrificij, quod idē Dei filius in mortali corpore & sanguine suo in totius mundi conciliationem in sanctæ Crucis stipite semel peregit. In quo nimirum quotidiano sacrificio suo, cœtus fidelium Deo patri cœlesti summas agit grates ob partam Christi passionē & morte redemptionem: admonet & precatur Deum, ut nobis efficaciam esse, & ad salutem nostram valere & cedere velit, quæ Christus in cruce pro vniuerso mundo confecit & impetrauit: velit esse placabilis Ecclesiæ suæ peccatis, mala omnia à nobis auertere, bona omnia suppeditare per Christum Dominum nostrum, qui causa salutis nostræ corpus suum in cruce morti dedit, & sanguinem suum ob nostra expianda peccata

cata profudit. Vide hinc Irenæum  
 aduersus hæreses Valentini lib.4.  
 cap.34. Cypria.lib.2.Epist.3.Chry-  
 sostomum in cap.epistolę ad Heb.  
 10.Homil.17.& de dignitate sacer-  
 dotij lib.6.cap.4.& lib.3. ca.4. Au-  
 gustinum de fide ad Petrum Dia-  
 conum, cap.19.Item ad Bonifaciũ  
 de Baptismo Epist.23. & innume-  
 ris alijs locis.

Ità videlicet per omnes tempo-  
 rum ætates hoc sanctissimum &  
 præstantissimum Christianitatis  
 sacrificium habitum est, in quo ec-  
 clesia Dei omnē suā spem & per-  
 fugium constituit & collocavit,  
 neque aduersum peccata & vitia  
 sua aliam potest capere consolati-  
 onem, quàm vt filium Dei, nobis  
 datum in salutē, plena fide appræ-  
 hendat, coram Deo illum sistat &  
 exhi-

exhibeat, per eius merita veniam peccatorū petat, & quicquid prætereà suæ tum tēporariæ, tum sēpiternæ saluti necessariū est. Cū em̃ miserijs & calamitatibus pressi sumus & circumdati, quid liberationis impetrandæ causa vel possumus vel debem⁹ aliud offerre Deo, quàm ipsum ad eò Christi corpus, nostræ salutis ergō neci oblatum ac deditum? Quandò peccatis præoccupamur, quid (obsecro) ad obtinendā veniam coram Deo possumus adferre efficacius, quàm salutiferum preciosumque Domini ac Seruatoris nostri sanguinē, qui ob nostra & totius mundi expianda & abolēda errata in cruce fusus est? Atque vt rem in peccata conferam, vbi nostrę vires deficiunt, à Christo imprimis Deo ac saluatore nostro

nostro, nec perindè vsquàm alibi, opem auxiliumque poscere debemus.

Vt verò Catholica Christi Ecclesia omne suum solatium, totamq; salutis suæ spem in hoc sancto, mūdo & salutifero sacrificio constituit, vtpotè in quo Christi charismata & merita, tanquàm suum sibi diuinitus donatum thesaurū, asseruata inuenit: ità his nostris extremis temporibus apud plerosq; qui Euangelici prædicantes dicuntur, nullum est crimen capitalius in terris, nulla deterior in Deum contumelia & abominatio, quàm sacrosanctum & verum Christi Iesu corpus & sanguinè in altari vocare sacrificium, & sacrificij habere loco. Idemq; proh dolor in compluribus prouincijs & ditionibus

id

id iam effecerunt, vt iuxta Danie-  
*Dan. 8. & 11.* lis vaticiniũ, & Christi Iesu inter-  
*Matt. 24.* pretationem, iuge sacrificium pro-  
 fligatum & abolitũ sit. At quĩ tan-  
 dẽm illi se gerunt? Quibus vijs &  
 artibus isthuc hominibus persua-  
 dere nituntur? Nimirũ huic suæ  
 fatanicæ & impię doctrine vestem  
 ouinam induunt, dicuntque per-  
 indẽ vt fatanas in hodierno Euan-  
 gelio: Scriptum est enim, Christus  
*Hebr. 9.* semel oblatus est ad multorum ex-  
 haurienda peccata. & rursus: Vna  
*Hebr. 10.* oblatione consummauit in sempi-  
 ternum sanctificatos. Quæ dicta  
 Apostolica cùm sic accipiuntur,  
 quod Apostolus his velit, corpus  
 Christi semel duntaxat visibiliter  
 & sensibiliter in ara crucis oblatũ,  
 sicque semel tantũ in totius po-  
 puli conspectu pro nobis mortem  
 cum

eum oppetijſſe, neque deinceps  
 eiufmodi cruentum ſacrificiũ ex-  
 peſtandum, quippe quod nec ne-  
 ceſſarium ſit, cùm vnicum hoc ſa-  
 crificium abundè ſufficiat toti hu-  
 mano generi in libertatem vindi-  
 cando, mortalibus omnibus à pec-  
 catis expiandis, ſanctificandis, iu-  
 ſtificandis: Cùm ſic, inquam, Apo-  
 ſtolus intelligitur, dubium non eſt  
 quin ſit Dei verbum, nosque illud  
 ſumma cum veneratione & reue-  
 rentia excipimus. Certũ eſt enim  
 & indubitatum, quòd Chriſtus re-  
 ſurgens ex mortuis, iam non mo-  
 ritur, nec mors illi vltra dominabi-  
 tur. At verò ſi hoc pacto Apoſtolũ  
 interpretari velis, quòd incruentũ  
 ſacrificium, vt Eccleſiæ Doctores  
 atque etiam Ephesine Synodus il-  
 lud nominant, in quo memoria

*Roman. 6.*

*Gregor. Nani-  
 xiæ. ad Epia-  
 ſcopos.*

*Cyrillus cona-  
 tra Neſtorii.  
 Concilium  
 Ephesinum.*

&

& repræsentatio agitur & exhibetur sacrificij illius, quod summus sacerdos & pontifex, Dominus noster Iesus Christus in cruce pro nobis peregit, iam porrò in Ecclesia hanc ob causam fieri & exhiberi non debeat, hætenùs quidẽ tuum verbum est maligne dæmon, qui per satellites tuos, & indubitatos Apostoli tui Antichristi antecurfiores hominibus persuadere moliris, vt hoc augustissimo atq; sanctissimo Missæ sacrificio contemnendo, meritis perpeffionis & mortis Christi sese priuent: prorsùs autem minimè est verbum dei. Enimuerò Spiritus sanctus, ex cuius afflatu isthęc Paulus scripsit, nūquàm ea voluit hac ratione accipi: quemadmodùm præter alios complures, quos in præsens studio  
bre

breuitatis prætereo, D. Chryso-  
 mus dexterrimus Apostoli inter-  
 pres, in memoratam ad Hebræos  
 Epistolam scribens, disertis verbis  
 testatur.

*Chryso. in 10.  
 cap. ad Hebr.  
 Homil. 17.*

Sunt itidè nonnulli hoc æuo  
 nostro, qui incredibili temeritate  
 ausi sunt cōdemnare, & velut ido-  
 latricum planeq; ethnicum spe-  
 ctaculum toto orbe proclamare ac  
 traducere laudatissimum atq; cele-  
 berrimū corporis Christi festum,  
 in quo corpus & sanguis Christi  
 sub panis specie in orthodoxorū  
 quidem solatium & confirmatio-  
 nem, hereticorum verò omnium,  
 corporis & sanguinis Christi in  
 Eucharistia veritatem negantium,  
 confutationem & insultationem,  
 publicitūs summa cum reuerentia  
 & diuina adoratione circumfertur,

*Festum cor-  
 poris Christi.*



vt hoc ipso coram toto orbe nostram testemur fidem, nos in hoc cellissimo Sacramento non simplicem panem, sed verum Christi corpus & sanguinem credere & confiteri, confirmatos illis Domini Seruatoris verbis, Hoc est corpus meum: non vtiquè exangue, sed perfectum & integrum. Atque hi quidem Ecclesiæ Dei perduelles, & omnium piarum cæremoniæ hostes, permultis locis rem eò ferè adduxere, vt iam dictum diuinum atque pietati Christianæ congruentissimum corporis Christi festum, ceu abominatio quædam & Dei contumelia, abrogatum sit.

Quòd si nòsse cupias, quo pacto id illi effecerint, non dubium est, illos satanicam opinionem suam  
veste

*Matt. 26.*

*Marc. 14.*

*Luc. 22.*

veste ouilla induisse: & vt diabolus, illorum pater, in Euangelio hodierno Christo Iesu, quem tentabat, dixit, Scriptum est enim: ita & illi, quô suam in Deum blasphemiam miseris tanto facilius persuadeât, Scriptum est enim, inquit, Accipite & comedite: Hoc est corpus meum, Hoc facite in meam Matt. 26.  
Marc. 14.  
Luc. 22. commemorationem. Itemq; Bibite ex hoc omnes, Hic est enim sanguis meus noui testamenti &c.

Quæ quidem verba institutionis præcelſi huius Sacramenti cum eum in modum intelliguntur, hanc potissimum Christi testatoris siue institutoris voluntatem, mandatû, mentemque fuisse, vt per hoc præstantissimum sacramentum ipsius apud credentes memoria celebretur & agatur, ipsomet dicente, Hoc

i 2 facite

I. Cor. II.

facite in meā commemorationē:  
 vndè etiam ecclesia Dei, quò hanc  
 Christi memoriam tanto melius  
 filiorum suorum, omnium ortho-  
 doxorum Christianorum animis  
 affigere & imprimere queat, præ-  
 ter communionem & sumptio-  
 nem, etiam coram oculis fidelium  
 præcipuum hoc Sacramentum re-  
 ctè atque laudabiliter summa cum  
 veneratione spectandum exhibet  
 atque circumfert: cumq; proho-  
 lor charitas in nobis planèrefrixe-  
 rit, atque ad huius perceptionem  
 Sacramenti adeò desides, tardi &  
 planè fastidiosi simus, adeò vt omnis  
 propemodùm Christi ac ingenti-  
 um beneficiorum eius, quæ ille  
 tam multis in nos modis conferre  
 non destitit, apud nos omninò ab-  
 olita sit, hunc thesaurum salutife-  
 rum

rum etiam in plateis nostra causa  
gestat, perindè ac si sollicitæ & fi-  
dissimæ parētis instār, nobis aman-  
tissimis filiolis suis dicat: Quæso  
dilectissimi filij mei, num prorsus  
obliuioni dare vultis, quàm præ-  
clarum vobis Christus Dominus  
& Saluator vester thesaurum reli-  
querit? Cur tandèm, obsecro, spem  
& fidutiam vestram collocatis, cur  
voluptatem & prosperitatem non  
nisi in rebus fluxis, caducis, tem-  
porarijs aucupamini, cùm tamen  
in ijs nulla durabilis voluptas vel  
salus esse queat? Quæso vel tādèm  
ad vosipsos redite, in vosipsos de-  
scendite, oculos vestros animosq;  
huc aduertite, & cælestē hunc the-  
saurum cōtemplāmini. Quid, oro,  
benignus & indulgentissimus de-  
us præstantius & excellentius vo-

bis largiri potuisset, quàm vnicum eundemq; amantissimum filium suum? Quid verò etiam Christus Dominus & Seruator noster preciosius atque perindè salutiferum habuit, atquè seipsum? En hîc vobis inuenire licet, quod solidam salutem & sempiternam vobis quæat adferre voluptatem.

Quandò igitur, inquam, verba Christi, quibus cœnam sacrosanctam instituit, hoc pacto accipiuntur, iam Dei verbalunt, & nos ea, pro eo atquè par est, summa cum reuerentia ità recipimus. Porro si ipsi fructus, contemnere & damnare quis velit Christianum, religiosum & laudatissimum Ecclesiæ morem, quò solet ea hoc præstantissimum Sacramentum ante fores & oculos fideiû circumferre,  
vti

vti Christi memoriã in eorum ani-  
 mis refricet, deuotionem erga hoc  
 præcellsum Sacramentũ in eorum  
 pectoribus excitet, fidemq; aduer-  
 sũs Sacramentarios vel Sacramenti  
 oppugnatores & omne genus va-  
 nissimas & fallaciosas hēreses con-  
 firmet: iam reuerà tua sũnt verba  
 perditissime satan, qui per egregiũ  
 organũ tuum Nicolaum Gallum  
 Ratisponensem concionatorem,  
 omnem Christi memoriã in mor-  
 talium pectoribus penitũs oblite-  
 rare ac delere conaris: nec vlllo pa-  
 cto Dei verba dici possunt. Qui  
 enim disertis & expressis verbis  
 præceptiuè dixit, Hoc facite in me-  
 am commemorationem: quique  
 per hoc Sacramentum suũ memo-  
 riam apud fideles sartam tectam  
 conseruari vult, quĩnam ille gra-

Luc. 22.

1. Cor. 11.

tum habere nolit, quòd ipsius fidi-  
sissima sponsa, ecclesia Catholica,  
hactam insigni processione, ipsius  
memoriã penitissimè animis cre-  
dentium infigit, atque apud illos  
tam præclarè & solenniter conser-  
uat? tum prætereà aduersùs Beren-  
garium, petrum Abailardum, Hen-  
ricianos, Petrobussianos, Zuingli-  
anos, priscos & nouos Sacramen-  
tarios, coram orbe vniuerso suam  
profitetur fidem? nempe, sub panis  
specie verum corpus & sanguinẽ  
Christi haberi; cuius confessionis  
etiam omnes illius filios & ortho-  
doxos Christianos non modò nõ  
pudere debet, verum etiã de hoc  
ipso Euangelio, id est, de annunci-  
atione crucis & mortis Christi glo-  
riari, lætari, triumphare conuenit:  
siquidem in huius rei fidem & te-  
stimonium

stimonium eum ipsum, qui nostra  
 causa cruci suffixus, nostra causa  
 neci datus est, processionibus, ce-  
 reis, vexillis, cantionibus, campa-  
 narum pulsationibus, missis, octa-  
 uis, vt Gallus hinc scriptitat, de-  
 niquè in summa, cum ingenti gau-  
 dio & iubilo, sed panis sub specie,  
 per plateas, per forum publicitùs  
 circumferūt, honoremque, quem  
 Christi corpori impendere tene-  
 mur, eidem ipsi corpori, sub panis  
 specie re vera & substantialiter at-  
 que corporaliter præsenti palàm  
 exhibent, atq; hoc ipso testantur,  
 se Christo Domino citra vllam  
 hæsitacionem toto pectore fidem  
 commodare, dicenti, Hoc est cor- Luc. 12.  
 pus meum, quod pro vobis datur.

Ità nimirum tota ea processio, quæ Processio in  
 festo corporis  
 Christi.  
 in festo corporis Christi agitur  
 i 5 vbiqùe



vbiquè in Ecclesia catholica, reuerà nihil est aliud, nisi luculèta quædā & efficax crucis & mortis Christi annuntiatio, insigne iubilum, atque iucundus triumphus, quòd satanas per crucem, p̄tritus & elusus, quòd mors nostra Christi morte superata, q̄ cælestis regni hæreditas nobis parta & cōciliata est.

Quid verò isthuc aliud est, Gal-  
le, nisi Euangelium ipsum? nempè  
quòd non pudet nos dicere cum  
Apostolo: Mihi autem absit glori-  
ari, nisi in cruce Domini nostri  
Iesu Christi. Nos quidem nihil ali-  
ud nouimus, nos nulla alia re glo-  
riamur, nos nihil aliud scire nos ar-  
bitramur, nisi Iesum Christum, &  
hunc crucifixum: Iudæis quidem  
scandalum, gentibus autem stul-  
titiā, &c. Atq; vtinàm faxit præ-  
potens

Galat. 6.

I. Cor. 2.

I. Cor. 1.

potens Deus, ô Galle, nè hac quo-  
 què calamitosa tempestate id ge-  
 nus homines extent, quibus crux  
 & mors Christi (in cuius memoriã  
 & commemorationem nos isthuc  
 festum celebramus, gestamus cor-  
 pus eius, qui nostra causa in crucẽ  
 actus est, atque hoc ipso coram or-  
 be vniuerso testamur, nos Christi  
 crucifixi nec minimùm pudere) fa-  
 xit, inquam, Galle, Dominus De-  
 us, nè inter vos Euangelicos buc-  
 cinatores, eius farinæ complures  
 inueniantur, quibus id scandalo  
 sit, qui id stultitiæ loco habeant,  
 quos veritatem ipsam, vbi ea de sui  
 corporis veritate loquitur, Hoc est  
 corpus meum, non pudeat men-  
 dacijs insimulare & arguere, quan-  
 dò veram & substantialem atque  
 realem eius præsentiam in hoc ve-  
 nerabili

140 EXPLANATIO EVANGELII  
nerabili Sacramento negant.

At interim tamen his omnibus  
posthabitis, nos Galle nihilomi-  
nùs pergimus iucundis animis &  
cordibus fidem nostrā propalā  
coram toto mūdo confiteri, nihil  
prorsùs neque tuo, neque aliorum  
garritu absteriti. Id enim ꝑ com-  
perto nos habemus, hanc nostram  
actionem scripturæ diuinæ neque  
dissentaneam, neque contrariam  
esse: nouimus quoquē, malignum  
demonem (quippe qui non igno-  
ret salutem nostram vel maximè  
in hac perpetua Crucis & mortis  
Christi commemoratione ac me-  
ditatione sitam esse) perquā se-  
dulò idagere, vt nos hinc auocet,  
nostrisque ex animis hanc euellat.  
Sed quanto ille isthuc agit maiori  
contentione, cura, studio & labo-  
re,

re, tanto nos illi accuratiùs & constantiùs oblucri debemus.

Si quidem tu ex nobis percontareris Galle, quidnam sibi velit, quòd nos hac die tam celebrè agimus solennitatem, quòd Euchariſtiam per plateas & loca publica circumferimus, quòd tot cerceos & luminaria accendimus, quòd non modò cantu, ſed etiam omnis generis muſicis concentibus ſingulari quadam iucunditate vtimur: nos tibi breue quidem & ſimplex, ſed verum tamen ac benè fundatum reſponſum eiufmodi redderemus.

Videlicet iſthuc noſtrum eſt *Roman, I.*  
euangelium, cuius nos non ſolùm nihil pudet aut piget, verum etiam indè cum Apoſtolo gloriamur:  
**Chriſtus Ieſus Dominus ac Seruator**

tor noster, in illa suprema cœna sua corpus & sanguinem suum nobis sumendū dedit: itā vt siue edamus & bibamus ea ore, siue conspiciamus, & apprehendamus fide, simul cogitemus & animo perpendamus, hoc idem esse corpus, quod ppter nos neci datum: hunc eundem esse sanguinem, qui in cruce propter nos fusus sit. Itaque nos omnibus spectandum exhibemus, itemque veneramur & adoramus idem ipsum verum Christi corpus, quod pro nobis cruci suffixum est, idque sub ea specie, in qua ipse sese discipulis suis sumendum præbuit. Atque in hoc ipso & de hoc ipso fatemur nos gloriari: agimusque triumphum de morte superata, & de diabolo per Christum crucifixum prostrato ac profligato:

fligato: vnaque Deo Patri cælesti  
 totis animi visceribus omni cum  
 summissione gratias agim<sup>9</sup>, quòd  
 nobis per crucem & mortem vni-  
 ci filij sui peccatorum veniam, fili-  
 orum Dei adoptionem, & regni  
 cælestis hæreditatem pro sua be-  
 nignitate & clementia impertiuit.

Quanto igitur acriùs malignus  
 satan per Gallum, & eius farinæ ali-  
 os, nostris in pectoribus horù tam  
 ingentium dei beneficiorum me-  
 moriam penitùs obliterare con-  
 tendit, tanto nos ardentius & ma-  
 iori desiderio ea certis quibusdam  
 instituendis temporibus ac die-  
 bus, signis externis, imaginibus,  
 vestibus, gestibus, atque omnige-  
 nis cæremonijs animis nostris affi-  
 gere & complecti studemus: simul  
 etiam adhortantes & admonentes  
 cha

charissimos in Christo fratres & sorores nostras, veteres orthodoxos atque catholicos Christianos, ut factis & re ipsa declarent, atq; coram omnibus testentur, se huius Evangelij confessionem nulla ex parte subterfugere vel reformidare, ipsosque crucis & mortis Christi, cuius in hac solēnitate memoria cum gaudio & triumpho celebrat, nec tantillū pudere. Quem enim huius Evangelij, quem crucis & mortis Christi pudet, is profectō dignus non est, qui Christianus vocetur: nec est quod ea expectet præmia, quæ Christus Dominus illis solis pollicitus est, qui omnem spem & fidutiam in ipseus cruce & morte potissimū collocarunt. qui me erubuerit, inquit ipse Christus, & meos sermones,

hunc

hunc fili<sup>9</sup> hominis erubescet, cùm venerit in maiestate sua. Omnis Matt. 10. qui confitebitur me coram hominibus, confitebor & ego cum corā patre meo, qui in cælis est. Semper ergò Christum Deum ac Dominum nostrum cōfiteamur, idq; non fide duntaxat, sed etiam ore: non tantùm intrinsecùs corde, sed etiam extrinsecùs his atque alijs id genus cēremonijs & gestibus, quibus fides illustratur: adeoq; inuito malo dæmone & toto sodalizio eius, Crucis & mortis Christi imensa beneficia, præcipua animi deuotione & vera exultatione perpetim celebremus: hoc ipso meritorum & mortis eius participes haud dubiò futuri, nostræq; huius constantiæ in vita æterna amplissima præmia recepturi.

k Nimis



Nimìs quidem prolixus futurus  
 sim, si praua dogmata & impuras  
 hæreses, quæ sub verbi Dei præte-  
 xtu hac tēpestare hincindē serun-  
 tur, recensere pergam. Probè qui-  
 dem vos affecuti estis, dilectissimi,  
 ex allatis exemplis, non continuò  
 Dei verbum esse, cū è scriptis Bi-  
 blicis sententiæ allegantur: immò  
 verò, quemadmodum satanas in  
 huius diei Euangelio, Christo per-  
 suasurus, ut è templi pinnaculo se  
 deorsum mitteret, hoc argumen-  
 to usus est, Scriptum est enim, in-  
 quiens: ità etiam ministros illi-  
 us, hæreticos & impostores cōcio-  
 natores, cū nobis persuadere in-  
 stituunt, ut à ciuitatis Dei in mon-  
 te excelsò positæ, id est, ab Ecclesiæ  
 Catholicæ doctrina & fide in hoc  
 vel illo articulo nos separem⁹, iam-  
 tum

tum perpetuò contenta illos voce clamitare, Scriptum est enim. Necessè est igitur dilectissimi, cauti ut simus, nec facilè cuilibet isthac ouina pelle tecto fidem commodemus.

Neque tamen hoc ità dixerim, quasi incunctanter pro hæretico & pseudodoctore habendus sit, quisquis doctrinam suam scripturæ diuinæ adferendis sententijs confirmet. Minimè gentium id putandū est, nisi quis hoc ipso peccare velit in Spiritum sanctum, cuius instinctu sancti Apostoli & prophetæ sacra Biblia conscripserunt. Sed hoc indicare volebā, scripturam sacram ità comparatam esse, ut in omnem partem detorqueri possit: ità ut si quispiam hæreticus prauum dogma suum pertinaciter

ac mordicùs retinere velit, nullo negotio, sententiam quandam inde possit excerpere, quam iniecta manu ad improbum & peruersum dogma suum accòmodare & contorquere queat. Non ergò fatìs est dixisse, Scriptura ꝑ me facit, Fides mea germanú & verum est Euangelion, Apud me est purum putú Dei verbú. Potest enim perquam facìlè id accidere, vt verbis quidem Euangelij quispiam instructus sit, & tamen mente & intellectu eorú destitutus sit: sicque sub veste ouilla, id est, sub Euangelij colore lupus & error delitescat.

Euangelium quidem verissimú est, Biblia sacra verissima sunt: Vetus pariter atq; nouum Testamentum totum atque vniuersum summa cum reuerentia recipimus & ample-

amplectimur. Et quid vis ampliùs?  
 Immò verò non poterit vnquam  
 Gallus, Rauschius & tota sectario-  
 rum turba planum facere, nos vel  
 literam, vel iota vnum, vel mini-  
 mum apicem scripturæ diuinæ re-  
 ijcere vel negare, minimeque pro  
 vero ac diuino amplecti. Non po-  
 testis negare, quotquot estis secta-  
 rij & sectarum complices, totam  
 scripturam sacram vos à nostris,  
 atque etiam vestris charissimis  
 Maioribus, qui probi, Catholiciq;  
 Christianæ religionis cultores fu-  
 ère, & nouam atq; commentitiam  
 religionem vestram prorsùs igno-  
 râunt, accepisse, quemadmodum  
 etiam Luterus ipse liberrimè diser-  
 tisque verbis confitetur, scribens  
 duobus parochis hunc in modû:

*Nos verò confitemur sub Papatu*  
 k 3 mul

*Luterns ad  
 duos paros*

chos de Anas  
baptismo, Tō.  
2. fol. 267.

*multum esse Christiani boni, adeoque  
omne bonum Christianum, atque indè  
etiã ad nos peruenisse. Videlicet fate-  
mur, in Papatu esse sacram scripturam,  
verum Baptismum, verum altaris Sa-  
cramentum, veras clauēs in peccatorũ  
remissionem, verum verbi ministerium,  
verum Catechismũ, putã, orationem Do-  
minicam, Decalogum, et articulos fidei  
&c. Hæc ille. Vndè igitur contro-  
uertitur, vndè mutua hæc lis & cõ-  
certatio, si quidem Papistæ æquè  
habent Euangelium, æquè vetus  
ac. nouum Testamentum, vt illi,  
qui à Papistis, id est, antiquis & ger-  
manè Catholicis sese segregãrunt,  
nouumque sibi nomen confinxer-  
unt, dum mālunt dici euangelici,  
quàm cum suis & nostris dulcissi-  
mis Patribus, iam cum Christo in  
illa vita sempiterna regnantibus,*

cun-

cunctisque alijs orthodoxis, quauersum toto terrarum orbe diffusis, Catholici Christiani appellari?

Equidem paucis vobis aperiam charissimi, in quo controuersia omnis sita sit. Vestis ouilla iusignis authoritas, fallaciosus quidam pretextus & fucus est istorum nouorū dogmatistarum, quandò illi nomē Euangelicum sibi vsurpârunt, nobis detraxerunt, perindè ac si illi euangelium habeât, nos minimè: cū tamen non de Euangelio neque de scriptura, sed de intelligentia & interpretatione sit inter nos controuersia & disputatio.

*Hilarius lib.  
2. de Trinitate.*

Scripturam quidem, id est, scriptam literam veteris ac noui Testamenti possunt habere hæretici omnes: sed si huius gn̄um ac ge-

nuinum velis sensum & intellectum assequi, non sanè ist tibi quaerendus est apud hereticum, sed nec apud alium quencunq; vnum hominem, qualisqualis ille sit: non est enim quisquam tanta doctrina præditus, neque suæ rei adeò certus, quin aliquandò hac in parte falli possit: sed nec cuiusquã mortalium toto orbe terrarum tanti apud nos fieri debet eruditio vel vitæ sanctimonia, vt in re tãti momenti, in qua non vile quippiam, sed omnis salus nostra sita sit, per omnia in omnibus illi credere velimus: cùm scriptum sit, Omnis homo mendax, & potest esse errori obnoxius: id quod in sanctis Patribus & Ecclesiæ Doctõribus plerisque fati ipsa nos docuit experientia.

Quis

Quis, oro, Adamãtio illo Origene eruditior, & in scriptis diuinis exercitior extitit? Et tamen libri illius non paucis scatēt benè crassis erroribus.

Quis tanto fuit Christianæ fidei propugnandæ zelo præditus, vt D. Cyprianus, qui eo nomine tandèm etiam sanguinem fudit? Atquì ille ipse vir tantus, humanũ quiddam passus, in errorem de rebaptizandis hæreticis, postea in Concilio quodam damnatum, lapsus est.

Sed neque D. Hieronimus nulla ex partē hallucinatus est: quod idem de Tertulliano, Augustino, & reliquis ferè omnibus sentiendum est.

Si quem ergò eiusmodi velis scripturæ interpretem, quem cer-

k 5 tum



tum sit minimè tibi imponere, teq; in errorem inducere, talis profectò tibi quærendus est, qui nec labi, nec errare queat: alioquì difficilimè id impetraueris. Atquì verò vndè aliquem eiusmodi petiturus es? Agedum equidem tribus verbis eum tibi commōstrauero. Tenes, opinor, sacrosanctæ fidei nostræ duodecim articulos. In ijs suum locum etiam iste obtinet, *Credo sanctā Ecclesiam Catholicam*. Dum ergò audis, Catholicam, in hac ipsa voce seu dictione eiusmodi tibi ostenditur scripturæ expositio, quæ nec errare possit, neque te in errorem adducere. Habes hîc verā, certā, & quā nemo inficiari, nemo in disputationem rapere possit; notam, qua scripturæ interpretatio, rectā ne sit, an praua, queat internosci.

Si

Si ergò ea interpretatio sit Catholica vel vniuersalis, dubitari nò debet, quin vera sit. Si verò catholica non sit, non ab Apostolis & eorù successoribus prædicata, non recepta in Catholica Ecclesia & vsurpata, & vsque in præsens à maioribus nostris ad nos in omnes has regiones perducta, sed nupèr admodum in hoc vel illo angulo ab vno aliquo commenta, & è tenebris educta, porrò nunquam antea eum in modum habita, prædicata, tradita: nec tum quidem dubitari debet eiusmodi interpretationem, quantunlibet externam scripturæ literam iactitet, falsam atque improbam esse.

Catholicum enim, cui vera & omnis imposturæ expers scripturæ expositio pariter alligata est, idē  
est

*Contra Gaus-  
dent. Donatio-  
nem, & Ser-  
mo. 13. et 181.  
de Tempore.*

est cum eo, vt D. Augustinus inter-  
pretatur, quod semper & vbiq̃e  
est, semperq̃e perdurauit, atq; ab  
ortu solis vsq̃e ad occasum vnus  
fidei splēdore diffunditur: & iam  
indē ab Apostolis vsq; in prēsens  
sinē intermissione & absque vlla  
diuulsione & dilaceratione toto  
orbe terrarum, quaquauersum pa-  
tet nomen Christianum, perseue-  
rauit atque permanfit.

Quòd si hac in re D. Augustinus  
cuiuspiam non satisfacit, neque satis  
locuples testis videtur, cui fidē ac-  
commodet, is agē audiat filiū Dei,  
æternam patris sapientiam, Chri-  
stum Iesum Dominum ac Serua-  
torem nostrum. Qui cū discipu-  
los suos potestate & auctoritate  
scripturas interpretandi, veramq̃;  
& salutiferam fidem docendi in-  
struxisset,

struxisset, an non id mandati eis  
 dedit, ut irent in mundum vniuer- *Marc. vii.*  
 sum, & prædicarent Euangelium  
 omni creaturæ? An verò putandū  
 est, eos hoc sui Domini & Magi-  
 stri mandatum neutiquā executioni  
 dedisse? neque illud Prophe-  
 tæ regij vaticinium completum,  
 dicentis, In omnem terram exiuit *Psal. 18.*  
 sonus eorum, & in fines orbis ter- *Vbiq̃.*  
 ræ verba eorum? Atquē nullā omni-  
 nō dubitationē habet, eos isthuc  
 summa fide & quā fieri potuit  
 accuratissimè esse executos, verāq;  
 & rectam fidem, à qua legitima &  
 germana scripturæ expositio abes-  
 se non potest, annūciatam & pro-  
 pagatam esse in totum orbem ter-  
 rarum, (teste Apostolo ipso, dum  
 sic ad Romanos scribit: Fides ve- *Roman. 1.*  
 stra annuntiatur in vniuerso mun-  
 do)

Rom. 10.  
Colof. 3.  
Gal. 3.

do) totique prædicatam humano generi, cuiuscunq; statûs, ordinis, cõditionis, ætatis, familiæ, & gentis sint, eodem Apostolo itidẽ testante his verbis: Non est distinctio Iudæi & Græci. Itemq;: Non est Gentilis & Iudeus, circumcisio & præputium, barbarus & Scythæ, servus & liber, masculus & fœmina: sed omnia & in omnibus Christus. Idem Dominus omnium, dives in omnes qui inuocant illum. Omnis enim quicumque inuocaverit nomen Domini, saluus erit. Deniquè apud omnes populos & nationes, & regna omnia, dicente Apostolo Petro: In veritate comperi, quia non est personarum acceptor Deus: sed in omni gente, qui timet eum, & operatur iustitiã, acceptus est illi: itemq; in D. Ioannis

Actor. 10.

nis Apocalypsi: Redemisti nos  
Deo in sanguine tuo, ex omni tri-<sup>Apoc. 5.</sup>  
bu, & lingua, & populo, & natio-  
ne, & fecisti nos Deo nostro re-  
gnum.

Nè quis verò Sacramentarius,  
aut quispiam noua fide imbutus,  
sibi persuadere velit, quandoqui-  
dem ipsoꝝ hareses in multa iam  
amplissima regna, regiones ac di-  
tiones irrumpunt, eapropter ipsoꝝ  
scripturæ explanationem ca-  
tholicā esse, nobis verò hāc ipsam  
ob causam, quòd ad Catholicæ fi-  
dei nostræ assertionem & probati-  
onem attinet, non parum virium  
decessurum: nôsse vos debetis di-  
lectissimi, ad Catholicū illud non  
solūm, VBIQVE, sed etiam SEM-<sup>Semper.</sup>  
PER, pertinere: hoc est, vt germa-  
na & Christiana scripturæ inter-  
preta

pretatio non modò vbiquè, sed etiam semper recepta & vsurpata sit. Dei nanque Ecclesia (in qua sola, vtpotè quæ Spiritum sanctū acceperit, nè vlla ex parte in errorem labi possit, vera scripturæ sacræ expositio obtineri potest) nō est instār aliorum humanorū cœtuum (quod quispiam existimare possit) muro quodam circūdata, nec breuibus quibusdam temporis spatijs inclusa, sed origine & duratione ipsi mundo par est, & cum ipso mundo condito sumpsit exordiū, & ad supremum vsq; mundi diem permanebit. Deus enim fundauit eam in æternū: qui alibì dixit, Eccè ego vobiscū sum omnibus diebus vsque ad consummationem seculi: & rursū alio loco: Amèn dico vobis, quia non præteribit generatio

*Psal. 47.*

*Matt. 28.*

*Luc. 21.*

neratio hæc, donec omnia fiant. Non est ergò, quòd sibi quispiam nouæ fidei homo persuadeat, suam fidem eo nomine Catholicam dici posse, etiamsi per regiones & regna omnia longè lateque haud secùs propagata sit, atquè olim hæresis Arriana vnquàm fuit. Nanq; etiamsi possibile foret eam, permittente Deo, obtinere vbiquitatem, vt ità dicam: nulla tamen vnquàm ratione fieri poterit, vt eius farinæ homines, dogmata sua perpetuis temporibus & semper perdurâsse, docere queant.

Quandò igitur inter nos controuersia est, nō de Euangelio à Matthæo, Marco, Luca, Iohanne conscripto: non de alijs scriptis Apostolicis, quæ sectarij haud secùs atquè nos à maioribus nostris incorrupta



rupta acceperunt: non deniquè de veteri ac nouo Testamento, quod nos Catholici cum omnibus suis partibus omninò integrū recipimus, retinemus & confitemur: sed de intellectu & interpretatione illius. Vt enim D. Hilarij verbis utar, De intelligētia hæresis est, non de scriptura: hanc ergò ob causam, nè vos dilectissimi egregio splendore tot scripturarum, quibus sese pseudoprophetæ tanquàm ouilla veste nunquàm non contegere solent, in hæreses abducamini, habetis iā ex me certum, proprium, indubitatum, in diuinis fundatum literis, & ipsius Christi Seruatoris nostri ore comprobatum signum, vndè doctrinas, num rectæ an prauæ, veræ an falsæ, Christianæ ac piæ an ad seducendum comparatæ sint, absq; vllō

ullo errore, nullo negotio inter-  
noscere & discernere queatis.

Videlicèt, vbi scripturæ eà inter-  
pretatio, quæ in medium profer-  
tur, (de interpretatione enim, vt sa-  
tis iam dictum est, non de scriptu-  
ris inter nos lis est & concertatio)  
Catholica est, ità vt iuxta Christi  
mandatum in toto orbe prædicata,  
& secundùm eiusdem Seruatoris  
pollicitationem, dicētis, *Eccè ego* *Matt. 28.*  
*vobiscum sum omnibus diebus*  
*vsque ad consummationem seculi,*  
eo pacto iam inde ab ipsius Chri-  
sti & Apostolorum tempore, per  
eiusdem Domini Iesu præsentiam  
perpetua temporum serie semper  
retenta & recepta sit: iam planè cer-  
tum ac indubitatum habere debe-  
mus, eiusmodi doctrinam & inter-  
pretationem, quandoquidem Ca-

*Ecclesiastes  
Ratisponen.*

tholica est, etiam rectam, veram & Euangelicam esse. Id enim secum adfert ipsum *Catholici* nomen. Nec vlla ratioe scè res habere potest, etiamsi Nicolaus Gallus longè impotentiùs bacchetur atq; ringatur, totusq; in id incumbat, vt non modò *Catholicam*, sed etiam, *Vnam Apostolicā*, in suo illo impio de Christiano corporis Christi festo, nupèr edito libello reiiciat & explodat: cùm tamē ea ipsa verba, tanquàm certa & nullam admittentia disputationem signa, vnde vera Dei Ecclesia possit citra errorem agnosci, in Symbolo Niceno, vbì dicitur, *Vnam, Sanctam, Catholicam & Apostolicā Ecclesiam*, expressè contineantur: quod quidē Symbolum cùm Augustana confessio nunquàm non receperit, satis ego mira-

mirari non possum, istum tam strenuum eius confessionis ppugnatorem, *Vnam, Catholicam & Apostolicam*, tam audacter reijcere nō dubitare. Sed de hoc aliās. Nam Deo benè fauente, ad illius argumenta non contumelijs & conuicijs iactandis, vt apud hæreticos in more positum est, sed ex ipsis scripturæ diuinæ fundamentis, & germano Catholicoque eiusdem intellectu, tempore opportuno eum in modum respondebitur, vt vnusquilibet, atque adeò etiam ipsemet, modò ne planè occalluerit & obstinatus sit, perspicere & vel manibus palpare queat, ipsius doctrinam non Catholicam, sed diabolicam, ac planè fallaciosam hæresin esse.

Cùm verò quispiā eiusmodi pro-

1 3 fert

fert scripturę interpretationem, quę non sit Catholica, id est, ab Apostolis & eorum discipulis, initio sic tradita, neq; vbiq; recepta, & sine cessatione vel intermissione usque in pręsens tempus concorditer retēta & vsurpata: iam itidem certi esse debemus, eam exitiosam & virulentam heresin, prauamq; doctrinam esse, etiamsi illius assertor & propugnator eam pro Dei verbo, pro sincero ac puro Evangelio venditet & proclamet, & vel milliēs blateret atq; crepitet, Scriptum est enim his atque illis locis. Fit enim totum hoc in nostrū duntaxat tentationē, utrū in Dei Catholica Ecclesia, & agnita Evangelij veritate constantes perseuerare velimus, nec ne. Itā nanque etiam deterrimus satan in hodi-

hodierno Euangelio ipsum Dominum Christum proferendis scripturis eò permouere instituit, vt è pinnaculo templi se deorsum mitteret. Atque hæc altera fuit maligni demonis, qua Christum appetijt, tentatio, vbi simul etiam diximus, vt Christus illi se opposuerit, & vt nos etiam ministris illius, hæreticis concionatoribus eundem in modum ab illis appetiti, iuxta Seruatoris exemplum resistere, eosq; superare debeamus. Iam porrò etiã de tertia tentatione pauca dicturi sumus.

Tertiò igitur, nõdùm cedere, ne <sup>III. Tentatio</sup> quedùm in pedes se cõijcere vult <sup>satana contra</sup> fatan, tametsi iàm abudè victus, & <sup>Christum.</sup> ignominia notatus: sed vt textus habet Euangelij,

*Iterùm assumpsit eum Diabolus in*

1 4 mon-

*montem excelsum valdè, & ostendit ei omnia regna mundi & gloriam eorum, & dicit ei: Hæc omnia tibi dabo, si cadens adoraueris me.*

Proh cœnum spurcissimum, execrabilis & maledictæ demon: equisnam ad id amentia se deuolui finat, te vt adorare sustineat? Non possit ille non planè perditus, deploratus & nihili esse homuncio, qui id facere velit. Et tamen eccè malignus iste, & serpens veteratorius, Christum Dominum ac Seruatorem nostrum cò prouocare nõn dubitat. Neq; tamen ille duntaxat id temporis Dominum hac de re sollicitauit: sed in hodiernum vsq; eius satellites nihil aliud agūt, quàm quòd expetunt à nobis, vt corā eis cadentes, ipsos adoremus. Quî tandem hoc, inquis? Neq; tamen

men vllum vnquàm concionatorem mihi audire contigit, qui se vellet adorari. Atquì verò sic planè se res habet, non aliter:adorari illi volunt. Cùm enim à nobis exigere non dubitent, quantunuis insolens, peregrinũ, prodigiosum dogma confingāt, vt citra vllam contradictionem summa cum reuerentia & summissione illud haud secus atquè purum putũ Dei verbum, atquè sacrosanctum Evangelium, atquè doctrinam prophetis Apostolicisque scriptis consentaneam, amplectamur, & sinè vlla contradictione pro tali habeamus:si quidem hoc non est expectere & postulare, vt cadentes, ipsos adoremus, equidem quid sit Idololatria, me nescire confiteor.

D. Hieronymus scribens in hæc Hieronymus  
in 2. cap. Esa.

1 5 Eſaiæ



Esaie verba, Et repleta est terra eius idolis: opus manuum suarum adorauerunt, quod fecerunt digiti eorum: & incuruauit se homo, & humiliatus est vir: ita ait, Possumus & hoc dicere, quod omne dogma contrarium veritati, adoret opera manuum suarum.

*Dij alieni in  
Scripturis  
quid significent.*

*Deut. 13.*

Vincentius Lirinensis, cuius supra meminimus, scribit hunc in modum: Noua dogmata vetus testamentum allegorico sermone deos alienos appellare consuevit, eo quod scilicet ita ab hæreticis ipsorum opiniones, sicut à gentilibus dij sui obseruentur. Scribit ergo in Deuteronomio beatus Moyses: Si surrexerit, inquit, in medio tuum propheta, aut qui somnium vidisse se dicat: & prædixerit signum atque portetum, & euenerit quod locutus

tus est:& dixerit tibi, Eamus & sequamur deos alienos quos ignoras, & seruiamus eis: non audies verba Prophetæ illius aut somniatoris, quia tentat vos Dominus deus vester, vt palàm fiat, vtrùm diligatis eum an non in toto corde & in tota anima vestra.

Hæc verba de dijs alienis exponens idem Vincentius Lirinensis, Qui sunt, inquit, dij alieni, nisi errores extranei quos ignorabas? id est, noui & inauditi, quos propterea prædicari permittit deus, vt nostram in charitate constantiam, & quàm salutiferæ Catholicę doctrinę adhæreamus, probet. Vndè & Apostolus dicit: Oportet hæreses esse, vt & qui probati sunt, manifesti fiant. 1. Cor. 11.

Atquì hîc non multa probatio-  
ne

ne & fusiori declaratione opus est, qua planū fiat, novos istos Evangelicos prophetas omnes, quocunque demum vocetur nomine, sua phantastica & fanatica somnia & priuatas opiniones nō alio quā verbi Dei loco & haberi & adorari velle. Res pro dolor plus satīs in aperto est: certa id docet experientia: scripta eorum, quibus conuinci possint, extant. Verum ego breuitatis studio vnicum protulisse exemplum sat habebo.

*Philip. in An-  
notat. in II.  
cap. ad Rom.*

Philippus Melanchthon nouorum Euangelicorum Antesignanus & coryphæus, cum se primum ab Catholicæ Ecclesiæ vnitāte separasset, docere ausus est, in Dei Ecclesia non nisi duo esse Sacramenta. Eam doctrinam tum permulti pro sacrosancto Evangelio, pro

pro puro ac sincero Dei verbo  
 amplexi sunt, & coram illo cadentes  
 adorauerunt: & si quispiam id  
 facere noluiſſet, haud commodè  
 fanè acceptus fuiſſet. At non lon-  
 gè poſt alius illum afflauit ſpiritus,  
 cuius inſtinctu docuit, tria eſſe in  
 Eccleſia Sacramenta: nec defuerūt  
 qui mox in genua procumberent,  
 & eam itidèm doctrinam haud ali-  
 ter atquè ipſum ſacroſanctū Euan-  
 gelium complecterentur. Sed ne-  
 que in hac ſententia diù ille perſi-  
 tit, ſed rursùs alia hauſta opinione,  
 affirmauit quatuor eſſe Eccleſiæ  
 Sacramenta. Et hoc quoquè, per-  
 indè vt ſuperiora duo, non alio  
 quàm verbi Dei & Euangelij loco  
 receptum eſt. An non verò iſthuc  
 eſt idololatriam exercere, hominē  
 vnum tanto in precio habere, tan-  
 tamque

*In 2. editione  
 Locor. Commu.*

*In Poſtrema  
 Editione Lo-  
 cor. Commu.*

tamque illi auctoritatem tribuere, ut quicquid dicat vel doceat, qualequale illud sit, hodiè candidum, cràs atrum, incunctanter pro Dei verbo & Euāgelio ducere & complexari?

Quando verò noui isti Euangelici prophetæ nō in hoc vno duntaxat, sed in omnibus ferè Christianæ fidei capitibus secum ipsi pugnant & pugnantia hætenus docuere, atq; in dies docere non cessant: quō tamen immatrem hanc abominationem & tam horrenda vulnera fucō quodam obducant, nè vulgus hominum, maximè autem nè Principes & Magnates ea animaduertant, eodem omninò artificio vtuntur, quod improbus satan in hodierno certamine contra Dominum Seruatorem adhibuit,

buit, Hæc omnia, inquit, tibi dabo, si cadens adoraueris me. Sic enim etiam impostores isti Prædicantes aiunt: En tot præclara & insignia *Nota fraude,* collegia seu foundationes, tot amplissima Cœnobia & Ecclesiæ, quæ quidem omnia tibi dabimus, modo nos pro Apostolis, doctrinamque nostram pro Euangelio & Dei verbo amplecti & habere velis. Sed hîc iubet Plato quiescere.

Vt ergò in hodierno Euangelio malignus satan Christo Domino, ita hodieque eius administri nobis persuadere moliuntur, ut coram illis prostrati, ipsos adoremus. Sed quemadmodum à Christo repulsus est satan, sic nos quoque eius satellites, novos dogmatistas & prædicantes repellere debemus, sicque illi proculdubio operam se luisse com.

comperient. Dicendum est ergò  
 eiusmodi prophetæ: Apage te à  
 conspectu meo pseudopropheta,  
 luperapax. Scriptum est enim, do-  
 minum Deum tuum adorabis &c.  
 Cur igitur erga illum Dominum  
 & Creatorem meum infidelitatis  
 ac perfidiæ scelere me obstringere  
 velim, vt præter illum te mihi ido-  
 lum constituam? Longè hoc in  
 omne æuum à me abesse velit pro  
 immensa bonitate sua pater ille  
 cælestis, qui me iussit audire eccle-  
 siam dilectam sponsam suam, addi-  
 ditque; quisquis eam non audiê-  
 rit, eum mihi esse debere tanquàm  
 ethnicum & publicanum. In hac  
 ego, quandoquidem gubernatorẽ  
 suũ habet Spiritum sanctum, per-  
 manere constitui: neque enim fie-  
 ri potest vt in errorẽ labatur: cùm  
 tamen

Dent. 6.

Matt. 18.

tamen alioquē nullus vsquā mortalium toto orbe terrarum extiterit tanta integritate, iustitia, sanctitate præditus, vt non alicubi siue in hoc, siue in illud impegerit. At verò Ecclesia Dei Catholica errori subiacere non potest. Hac igitur ratione, Dilectissimi, si maligno dæmoni restiterimus, ei que rectā obuiam perrexerimus, nos ex illo palmam referemus, etiamsi longē in nos atrociū incurrat, immanioresque nobis morsus intentet: atq; vt strenui & imperterriti milites, qui in pugna legitimè certauerimus, in illa die, quandò referet vnusquisq; propria corporis pro-<sup>2. Cor. 5.</sup> ut gessit, siue bonum, siue malum, perennium gaudiorum & nunquā defituræ beatitudinis præmia consequemur.

m Audistis



*Epilogus.*

Audistis ergò iam summam & compendìò in hac tota mea concione, dilectissimi, vt teterrimus codamon Christum Dominum ac Seruatorem nostrum de tribus hodierno in Euangelio tentârit, de quibus etiam primos illos parentes nostros Adamum & Euam in Paradiso & tentârit & vicerit. At hac victoria minimè contentum illum salutis nostræ cruentissimū hostem, etiam nobis illorum filijs & posteris perpetuò laqueos tēdere & moliri insidias: potissimum verò tentare nos per ministros suos hereticos concionatores, possit ne eum in modū, quo hodiè Christum, & longè antè primos progenitores nostros appetijt, ab Ecclesia Catholica, & vera illa atque antiqua, Catholica & salutifera fide  
in

in suas damnatas hærefes & doctrinas nos abducere. Vt verò Christus Dominus ac Servator noster in re quidem exigua, putà, vt ex lapidibus panes faceret, at tamẽ opportuno valdè tempore, cùm tam diuturno exacto ieiunio esuriret, de gula ab illo tentatus, nec in minimo quidem illi cessit vlla ex parte: ità nos quoquẽ, dum eius satelites in rebus, quæ non maximi esse momenti videantur, sed tamen carnali naturæ nostræ plausibiles sint, nos à Catholica Ecclesia auocare moliuntur, nec tantillũ quidem eis obtemperare & cedere debere. Et quemadmodũ Christus non sibi passus est ab illo tentatore persuaderi, vt è pinnaculo templi se deorsũ mitteret, tametsi scripturas allegaret satan & dicere-

m 2 ret,


ret, Scriptum est enim: sic etiã nos  
 perpeti non debere, vt seductores  
 dogmatistæ nobis persuadeant, vt  
 è ciuitate Dei, supra montem ex-  
 celsum posita, nos demittamus, id  
 est, ab Dei Ecclesia neque in mini-  
 mo, neque in maximo nos segre-  
 gemus ac secedamus: nihil pror-  
 sùs hoc ipso permoti, quòd perpe-  
 tùm illi vociferantur, Scriptura scri-  
 ptura, Euangelium Euangelium:  
 nanq; scripturas quidem illis non  
 deesse, sed veram interpretationẽ  
 non suppetere, vtpotè quæ non  
 nisi in temporum & locorũ omni-  
 um, vbì Christi nomen & fidem  
 homines professi sint, & etiã nũm  
 profiteantur, concordia & conso-  
 nantia reperiatur. Tum quoquẽ  
 vtì Christus dominus satanam ad-  
 orare noluit, licèt omnia mundi  
 regna,

regna, quæ tamẽ illius non erant, offerentem: itidẽm nos quoquẽ fallacium concionatorum doctrinas, quas illi Dei verbum & synce- rum Euangelium iactitant, modò nobis vlla sit salutis nostræ cura, neutiquã adorare: sed potiùs corporum, facultatum, sanguinis, & eorum omnium, quę nobis in hac vita chara sint, iacturam facere debere, quàm ad eiusmodi horrendam idololatriam nos deduci patiamur. Postremò ubi nos in Ecclesia Catholica hoc pacto constanter permanferimus, & ad Christi exemplum nuncijs satanæ, hæreticis buccinatoribus, vt dictum est, restiterimus, haud secùs illos à nobis atquẽ hodiè pater eorũ à Christo discessit, nunquàm non re infecta cum dedecore, ludibrio &

ignominia recessuros: nos verò,  
quēadmodū in hodierno Euan-  
gelio Christus, Angelicos spiritus  
nobis ministrantes habituros in  
gaudijs æternis & perenni beati-  
tudine. Id quod nobis præstare di-  
gnetur Deus Pater, Deus Filius,  
Deus Spiritus sanctus, Amen.

## LECTORI CANDIDO

SALVTEM.



**C**oncio hæc, lector amice, par-  
tīm quidem mihi habita est Ingolstadij Do-  
minica prima Quadragesima, Anno hoc  
LXII. in mca D. Mauricij paræcia, partīm  
verò pro meipso hinc inde ex S. Patribus & Ecclesia Do-  
ctoribus, Augustino, Chrysostomo, Vincentio Lirinensi, & id  
genus alijs, atque illis etiam, qui nostra tempestate Catho-  
licam religionem aduersum grassantes sectas sibi tuendam  
sumpsere, nempe, Hosio, Cromero, Staphylo, & cæ. quorum  
omnium haud ingratis ego me discipulum confiteor, collecta:  
neque id tamen eo consilio, quòd hoc tempore, & tam celeris  
ter prælo committi deberet. Cū enim materia huius concio-  
nis fusiùs mihi pertractata sit, poterat secundum tres tenta-  
tiones etiam in tres vel plures Conciones distribui. Atquē  
verò cū honestus quidam, & probus atque Catholicus vir,  
Concio

Concionē hanc ista ratione à me congestā, Typographis nostris utriq; Vuesenhornio, me insciente, obtulisset, & ab ijs libèter accepta, & typis excudi cœpta esset, ubi id ego postea percepi, in Dei nomine ipse quoquē ut excuderetur assensit. Neque enim me unquam Catholica religionis pudet, uti nec pudere debet: eamq; ego coram quibuscunque palam absque ulla trepidatione vel tergiversatiōe confiteor, gratias etiam vberes & ingentes omni cum summissione agens Deo celesti patri meo, quod me ex hereseos cœno, cui ego aliquādiū proli dolor ultra aures immerfus fui, tam clementer extraxit: simulq; rogans, ut me deinceps quoquē intra vnicam hanc caulam, id est, Catholicam Ecclesiam, extra quam nulli neq; salus neque beatitudo potest contingere, una cum alijs orthodoxis Christianis, quaqua uersum toto terrarum orbe diffusis, in supremum vsque vite diem, propitius conseruare velit, Amen. Quando verò, humanissime Lector, fieri vix potuit, ut in tanta festinatione, tamq; angustis temporis spatijs omnia ita, ut par erat, exactè corrigeretur: vnde quoquē id accidisse necesse est, ut alicubi inter excudendum dictiones alie pro alijs posite sint, atque id genus alia vitia inciderint: equidem peramicè rogatū te velim, si qua eiusmodi errata qualiacūq; demum sint, se tibi obtulerint, ut ea non tam incurie, quàm properantiæ imputanda putes: hæc q; inprasens boni consulas, donec habita opportunitate, emaculatiōe dare liceat. Meum erit, tuam hanc erga me beneuolentiam apud præpotentem Deum sedulis precibus compensare. Bene vale. Ingolstadij

22. Aprilis, Anno 1562.

Martinus Eisengrein Pastor apud D. Mauritium.

1. Theß. 3.

Propterea & ego ampliùs non sustinens, nisi ad cognoscendū fidem restram, ne fortè tentauerit vos is qui tentat, & inanis fiat labor noster.

FINIS.

